



Uunga: Inatsisartuts Aningaasaqarnermut Akileraartarnermullu Ataatsimiititaliaat  
Att.: Sakarias Amondson

Ilanngussaq  
Bilag  
E

Naalakkersuisut Siulittaasuat, Kim Kielsen ullumi (23. marts 2020) ima  
aalajangiivoq:

**Coronavirus (COVID-19)-imut atatillugu peqqinnissaqarnermi  
immikkut ittunik iliuuseqarnissamut ilassutissatut  
aningaasaliinissamut qinnuteqaat**  
(Peqqissutsimut, Isumaginninnermut Inatsisinillu Atuutsitsiner  
Naalakkersuisoq)

24-03-2020

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Naalakkersuisut aalajangerput:

inassuteqaatit tulliuuttut Inatsisartut Aningaasaqarnermut Akileraartarnermullu  
Ataatsimiititaliaannut akuerisassanngorlugit nukingisaarutigalugillu  
suliarineqarnissaat qinnutigalugu ingerlateqqinnissaat Naalakkersuisut  
akuerissagaat.

"Naalakkersuisut inassutigaa,

2020-mut ilassutitut aningaasaliissutissanut inatsisissatut siunnersuummi konto  
pingaarneq nutaaq 34.01.05 Coronavirus (COVID-19) tunngavigalugu immikkut  
ittunik iliuuseqarnissat tunngavigalugu immikkut ittunik iliuuseqarnissat  
ilanngunneqassasoq 0 kr.-imik aningaasaliissutitalerlugu kontomut pingaarnermut  
missingersuutitut ilanngussaq ilanngunneqartoq naapertorlugu, aamma

ilanngussaq ilanngunneqartoq naapertorlugu 2020-mut ilassutitut  
aningaasaliissutissanut inatsimmut siunnersuummi kontumut pingaarnermut,  
34.01.05 Coronavirus (COVID-19) tunngavigalugu immikkut ittunik iliuuseqarnissat,  
oqaasertaliussat nr. 1, 2 aamma 3 ilanngunneqassasut."

Taamaalilluni inassut Inatsisartut Aningaasaqarnermut Akileraartarnermullu  
Ataatsimiititaliaannut nassiuunneqarpoq. Naalakkersuisut isummernissaannut  
tunngavissiap assilineri ilanngussallu assilineri ilanngunneqarput.

Inussjarnersumik inuulluaqqusillunga

Vittus Qujaukitsoq

**Peqqissutsimut, Isumaginninnermut Inatsisinillu Atuutsitsinnermut Naalakkersuisoq**

23-03-2020

Suliap normua: 2020 - 5297

Oqaluuserisassani imm.: \_\_\_\_\_

**Naalakkersuisut isummernissaannut tunngavissiaq**

**TUAVIORTOQ**

**Coronavirus (COVID-19)-imut atatillugu peqqinnissaqarnermi immikkut ittunik iliuuseqarnissamut ilassutissatut aningaasaliinissamut qinnuteqaat**

**Inassuteqaat**

Peqqissutsimut, Isumaginninnermut Inatsisinillu Atuutsitsinnermut Naalakkersuisup **inassutigaa,**

inassuteqaatit tulliuttut Inatsisartut Aningaasaqarnermut Akileraartarnermullu Ataatsimiititaliaannut akuerisassanngorlugit nukingisaarutigalugillu suliarineqarnissaat qinnutigalugu ingerlateqqinnissaat Naalakkersuisut akuerissagaat.

”Naalakkersuisut inassutigaa,

2020-mut ilassutitut aningaasaliissutissanut inatsisissatut siunnersuummi konto pingaarneq nutaaq 34.01.05 Coronavirus (COVID-19) tunngavigalugu immikkut ittunik iliuusissat tunngavigalugu immikkut ittunik iliuuseqarnissat ilanngunneqassasoq 0 kr.-imik aningaasaliissutitalerlugu kontomut pingaarnermut missingersuutitut ilanngussaqq ilanngunneqartoq naapertorlugu, aamma ilanngussaqq ilanngunneqartoq naapertorlugu 2020-mut ilassutitut aningaasaliissutissanut inatsimmut siunnersuummi kontumut pingaarnermut, 34.01.05 Coronavirus (COVID-19) tunngavigalugu immikkut ittunik iliuusissat, oqaasertaliussat nr. 1, 2 aamma 3 ilanngunneqassasut.”

## **Aallaqqaasiut tunngavigineqartullu**

Nunarsuaq tamakkerlugu ulloq 10. marts 2020-mi coronavirusimik tunillatsinneqarsimasut 118.000-it sinnersimavaat. Inuit maannamut toqusut 4.300-it missaanniittutut naatsorsorneqarsimapput. Virusi ukiumut 2020-mut nikinnermi Kinami pinngorsimavoq. Kinami illoqarfissuarmi Wuhanimi Hubeip eqqaaniittumi virusi aallaaveqarsimavoq. Taassuma kingorna nunarsuup sinneranut siaruaassimavoq aallaqqaammullu pingaartumik umiarsuaq Diamond Princess Koreallu Kujataa sakkortuumik eqqugaasimallutik. Kingorna Iran Italialu sakkortuumik eqqugaasimapput. Nunarsuup immikkoortuinit pingaartumik Italiap avannaanit Den Iberiske Halvømut, Europap qeqqanut Avannaanullu tuniluunneq siaruaassimasutut isikkoqarpoq. Italiami tunillanneqarsimasut taassuminngalu toqquteqartut 10. martsimi amerlatsikkiartupiloorput 631-it toqusimallutik 10.149-llu tunillatsissimallutik.

10. martsimi Danmarkimi 262-t tunillatsissimasutut nalunaarsorneqarsimapput, 8. martsimi 35-viinnaasimagaluarlutik. Danmark eqqaassanngikkaanni Kalaallit Nunaat Islandimut toqqaannartumik timmisartukkut attaveqarpoq, Islandimilu 10. martsimi 69-it tunillanneqarsimasutut nalunaarsorneqarsimallutik. Kisitsisilli taakku ulluni aggersuni amerleriapiloorpissaat naatsorsuutigisariaqarpoq.

Nunarsuarmi Peqqinnissamut Suliniaqatigiiffiup (WHO-p) virusip qanoq toqqutaatigisarnera pillugu pisortatigoortumik virusip tuniluunnerata nalaani suli naatsorsorsimanngilaa. Toqqutaatigisarnerali 2-3 procentit missaanniippoq. Taamaattorli malunnarpoq utoqqaanerusut inuillu napparsimareersut virusimik toqquteqarsinnaanerit aarlerinaateqarnerupput.

Maluginiarneqassaaq inuit ilaat tunillatsissimasut ima ersiutaat annikitsigisinnaammat peqqinnissaqarfimmukartaralik taamaattumillu nalunaarsorneqassanatik. Tamanna peqqutigalugu inuit tunillanneqarsimasut pillugit kisitsiviit nalunaarsorneqarsimasunit amerlanerujussuusinnaapput, taamaammallu coronavirusimit tunillanneqarsimasut nappaammik toqquteqartarsinnaanerannik 2-3 procentimik taggiineq appasinnerusinnaalluni.

Coronavirusip qanoq ineriartornissaa siumungaaq takorlooreerneqarsinnaanngilaaq. Virusi ineriartorsinnaavoq tammaqqillunilu kingornalu takkuteqqilluni. Taamaattoq Kinap Koreallu Kujalliup tuniluunneq maanna pakkersimaarpassilerpaat.

Nunatsinni Tunillaassortunik Nappaalanersuaqarneranut Ataatsimiititaliarsuup upalungaarsimaneq ataqatigiissarpaa. Innuttaasuni coronavirusimik nutaamik tuniluuqtoqarneranik pasitsaassaqarnermik pissutsinik suliaqarnissamik pilersaarusiortoqarsimavoq. Nunatta nakorsaa-nera qallunaat nunallu allat oqartussaannit ingerlaavartumik ilisimatinneqartarpoq taamaammallu upalungaarsimanermut pingaarutilinnik ingerlaavartumik paasisutissanik nutaanik pissarsisarluuni.

Isummernissamut tunngavissiamik ugguuna aningaasaliissutinik immikkut pissarsiniartoqarpoq, tassa coronavirus pillugu immikkut ittunik iliusissanik peqqinnissaqarfik aningaasartuutinik matussusiisnaaniassammat.

Immikkut ittunik iliuutsinut aningaasartuutit tassaasinnaapput inunnik tunillatsissimasunik katsorsaavinnut angallassinert taassumalu kingunerisaanik katsorsaanerit assigiinngitsut suliarisinnaaniassamatigit. Aamma ilaatinneqarsinnaapput peqqinnissaqarfimmi sulisut napparsimasunik katsorsaanerminni aningaasartuutaat, matumani ilaallutik illoqarfinni nunaqarfinnilu allani nalinginnaasumik suliffiginngisaanni najugaqarnernut tunngasut. Aamma aningaasartuutitut ilaasinnaapput misiligutinik suliaqarnerit, nakorsaatit, immikkut ittunik akissarsiat taartaasartunullu aningaasartuutit, inunnut tunillanneqarsimasunik inissiinermi mattussinerit, paasissutissat il.il. Inuit coronavirusimik ullumikkut tunillatsissimanersut pillugit misiligutit danmarkimut nassiunneqartarput. Taamaattoq tamakku Nunatsinni ingerlanneqarnissaat anguniarlugu sulissutigineqarpoq taamaaliornikkut piaarnerusumik akissutisisoqartarniassamat.

Aningaasartuutit Namminersorlutik Oqartussat immikkoortuisa nalinginnaasumik aningaasaliiffiqarnerisa avataatigit immikkut ittuussapput. Konto pingaarnaq atorneqarsinnaassaaq Nunatsinni katsorsartariaqartut amerlasoorpassuit nalunaarsorneqassagaluarpata.

Tusarniaanermi Ilinniartitaanermut, Kultureqarnermut Ilageeqarnermullu Naalackersuisoqarfiup tikkuarpaa naalackersuisoqarfiup siunertamut tulluutsikkaa immikkut ittunik aningaasaliissutit aamma susassaqarfinnit allani COVID-19-imik tunngasunik suliaqartunut sulisunut atorneqarsinnaaneri. Taakku tassaasinnaapput ilinniartitsisunik assigisaannillu suliaannik unitsitsilluni upalungaarsimanermik suliaqartussatut innersuunneqartut. Oqaaseqaat taanna tusaatissatut tiguneqarpoq.

Aningaasaqarnermut Naalackersuisoqarfiup tassunga ilisimatitsissutigaa suliniutit maanna peqqinnissaqarfiup sulineranut namminersortullu inuussutissarsiortut eqqarsaatigineqarnerusut. Oqartussaaffinnut peqqinnissaqarfiunngitsumut immikkut aningaasartuutit matussusernissannut tunngatillugu maluginiaqquneqassaaq coronavirusi aningaasaliissutigineqartunut allanut suliakinnerulernermik kinguneqarnissaa, matumani angalanerit, atorfinitsitsinerit il.il. Aammattaaq pilersaarutaasutut suliniutaasut suli aallartinneqarsimanngitsut kinguartinneqarsinnaanngillat. Aningaasaqarnermut Naalackersuisoqarfiup naalackersuisoqarfiit sinneri suleqatigalugit piffissami aggersumi suliaasaqarfiit sorliit suliakinnerulernersut suliaqarnerulersullu pillugit qulaajarniarnipai.

AI2020-mi suliaasaqarfimmi 10-89-imut atatillugu oqaasertaliussat nr. 6 ilanngunneqarput, tassanilu Naalackersuisut piginnaatinneqarput immikkut aningaasaliissuteqartoqanngikkaluarluni ajunaarnersuarnut ajutoornernullu atatillugu immikkut iliuuseqarnissamut atugassanik 50 mio. kr.-it tikillugit atuisinnaanissamat. Oqaasertaliussat nr. 6 coronavirusimut atatillugu tamanna Naalackersuisunit atorneqanngilaq. Taakkununga taarsiullugu isummernissamat tunngavissiami uani qinnutigineqarpoq peqqinnissaqarfimmi atorneqartussanik immikkut ittunik aningaasaliissutissat qinnutigineqarput.

Siunertamut tassunga atorneqartussatut siunnersuutigineqarpoq konto pingaarnaq nutaaq 34.01.05 Coronavirus (COVID-19) tunngavigalugu immikkut ittunik iliuusissat pilersinneqassasoq oqaasertaliussallu nr. 1 ilanngunneqassasut, tak. isummernissamat

tunngavissiamut unnga ilanngussaq. Konto pingaarneq aalajangersimasumik aningaasartalernagu pilersinniarneqarpoq. Ersarissarneqassaaq siunertaq tassaangimmat kontomi pingaarnermi aningaasanik matussusiinissamut killiliiniarneq. Aningaasartuutini matussusiineq taamaalilluni anguniarneqarpoq oqaasertaliussani piginnaatitsinikkut kiisalu kontomut pingaarnermut aningaasalinissamut toqqammaviit tunngavigalugit. Kontomulli pingaarnermut aningaasartuutit matussusernissaannut qanoq annertutiginissaat maannangaaq oqaatigineqarsinnaanngikkallarput.

Peqqissutsimut Pitsaaliuinernullu Aqutsisoqarfiup akissummini akerliliissutigaa tusarniaanermi coronavirus pillugu peqqinnissaqarfiup immikkut iliuuseqarnissaani immikkut aningaasartuutissanik pissarsiniartoqarsimanngimmat. Konto pingaarneq Peqqissutsimut Naalackersuisoqarfiup ataaniinnissaa pillugu siunnersuutigineqarmat ilumoorpoq. Taamaaliorpoq peqqinnissaqarfiup nalinginnaasumik ingerlatsineranut aningaasartuutai immikkut aningaasaliissutinit immikkoortinniarnaqarmata. Aammattaaq Namminersorlutik Oqartussat ataanni immikkoortunit allanit peqqinnissamut tunngasunik iliuuseqarnemi immikkut ittumik aningaasartuuteqartussaapput.

Peqqissutsimut Pitsaaliuinernullu Aqutsisoqarfiup taamaalilluni aamma siunnersuutigaa immikkut ittunik iliuuseqarnissamut atorneqartussanik 50 mio. kr.-nik aalajangersimasumik aningaasaliisoqarnissaa. Taamaattoq Peqqissutsimut Naalackersuisoqarfik Aningaasaqarnernullu Naalackersuisoqarfik isumaqarput maannakkutut ilusiliineq eqaannerussasoq, tassa coronavirusip kinguneranik aningaasartuutini maanna aningaasartuutaasussat matussusernissaat ajornakusoortussaammat.

Aningaasaliinissanut pisariaqartitat qanoq annertutiginissaat paasineqarluarsimaleriarpat kontomut pingaarnermut aningaasaliissutissat tagginneqartut toqqammavigalugit aningaasaliissutissanik Naalackersuisut tamatuma kingorna qinnuteqarnissaat naatsorsuutigineqarput.

Pissutsit tunngavigalugit iliuusissat qanoq annertutigissanersut paasineqariarpata iliuusissat pissutsit naapertorlugit pisariaqartitsineq naapertorlugu iliuserineqarumaartussat Naalackersuisut qulakkeerniarpaat. 2020-mut aningaasaliissutissat qanoq annertutiginissaat paasineqariarpat konto pingaarnermi 2020-p ingerlanerani aningaasaliissutissanik Naalackersuisut qinnuteqarumaartut naatsorsuutigineqarpoq.

Aammattaaq siunnersuutigineqarpoq oqaasertaliussani nr. 2-mi qulaani taaneqartumi kontomi pingaarnermi 34.01.05, tassa Naalackersuisut piginnaatinneqassasut kontomut pingaarnermi aningaasanut inatsimmut ukiumut tullianut atuinerunernik nuussisinaanissaannik piginnaatitsinikkut.

### **Aningaasaqarnikkut kingunerisassai**

Akiliutissaajumaartut annertussusissaat piffissami matumani taaneqarsinnaanngikkallarput. Tamatumani pissutaavoq coronavirus pissutigalugu aningaasartuutaasussat ataatsimoortut annertussusaat maannangaaq suli naatsorsorneqarsinnaanngimmata.

### **Attaveqatigiinneq**

Aningaasaqarnermut Akileraartarnermullu Ataatsimiititaliap piginnaatitsineratigut, Peqqissutsimut, Isumaginninnermut Inatsisinillu Atuutsitsinermut Naalakkersuisoq tusagassiutitigut nalunaaruteqassaaq Naalakkersuisunut piginnaatitsissummik akuerisaasunik aningaasaliissuteqarnissamut qinnuteqaammik tunngasumik. Suliap pissusaa isiginiarlugu Aningaasaqarnermut Akileraartarnermullu Ataatsimiititaliap pinarsuartumik suliarinninnissaa naatsorsuutigineqarpoq.

### **Tusarniaaneq**

Isummernissamut tunngavissiaq una Peqqissutsimut Naalakkersuisoqarfiup Aningaasaqarnermullu Naalakkersuisoqarfiup suleqatigiinnerisigut suliarineqarpoq. Isummernissamut tunngavissiaq naalakkersuisoqarfiit sinneri, Nunatta nakorsaaneqarfia aamma Peqqissutsimut Pitsaaliuinerullu Aqutsisoqarfia suleqatigalugit suliarineqarpoq. Naalakkersuisoqarfiit sinnerinit, Peqqissutsimut Pitsaaliuinerullu Aqutsisoqarfimmit tusarniaanermi akissuteqarpoq, soorluttaaq isummernissamut tunngavissiaq pillugu nunatta nakorsaaneqarfia oqaasiinnartigut oqaloqatigineqarsimasoq. Tusarniaanermut akissutit ilanngunneqarput.

*Martha Abelsen*

/

*Tine Pars*

### **Ilanngussat**

- Kontumut pingaarnermut, 34.01.05 Coronavirus (COVID-19) tunngavigalugu immikkut ittunik iliuusissat missingersuutitut ilanngussaq
- 34.01.05 Coronavirus (COVID-19) tunngavigalugu immikkut ittunik iliuusissanut oqaasertaliussat nassuiaatillu

**Ilanngussaq** - Oqaasertaliussat kiisalu kontomut pingaarnermut 34.01.05 Coronavirus (COVID-19) tunngavigalugu immikkut ittunik iliuusissat pillugit nassuiaatit

**Isumaginninnermut Inatsisinillu Atuutsitsinnermut Naalakkersuisoq - Suliassaqarfik 34**

**Kontumut pingaarnermut, 34.01.05 Coronavirus (COVID-19) tunngavigalugu immikkut ittunik iliuusissat.**

Oqaasertaliussat tullinnguuttut 2020-mut ilassutitut aningaasaliissutissatut siunnersuummi kontumut pingaarnermut matumunnga ilannguteqquneqarput:

Nr. 1.

Naalakkersuisut coronavirus pissutigalugu immikkut ittunik iliuuseqarnissamut aningaasartuutaanerusussanik atuinissaannut pisinnaatitaaffilerneqassapput.

Nr. 2.

Naalakkersuisut pisinnaatitaaffilerneqassapput kontomi pingaarnermi uani atuinerunernit ukioq aningaasarsiorfiusup tullianut nuunneqarsinnaalersillugit.”

Nr. 3.

Naalakkersuisut coronavirus (COVID-19) pissutigalugu coronavirus-imik akiuiniarnermi tapiissutinik aalajangiisinnaanissamut tigusaqarsinnaanissamullu piginnaatitaaffilerneqassapput.

**Kontumut pingaarnermut, 34.01.05 Coronavirus (COVID-19) tunngavigalugu immikkut ittunik iliuusissat tunngavigalugu immikkut ittunik iliuuseqarnissat, nassuiaatit**

2020-mut ilassutitut aningaasaliissutissanut inatsisissatut siunnersuummi kontumut pingaarnermut matumunnga oqaasertaliussanut nassuiaatit uku ilannguteqquneqarput:

Nr. 1.

Oqaasertaliussatigut Coronavirus tunngavigalugu immikkut ittunik Naalakkersuisut aningaasartuutaanerusunik atuinissaannut piginnaatinneqarput.

Immikkut iliuusissanut aningaasartuutit tassaasinnaapput inunnik tunillatsissimasunik katsorsaavinnut angallassinert taassumalu kingunerisaanik katsorsaanerit. taakku saniatigut aningaasartuutit tassaasinnaapput peqqissaavimmi sulisut uninngasunik katsorsaallutik passussinerat, matumanilu najugarinngisaminni illoqarfinni nunaqarfinnilu najugaqarnerat. Aammattaaq ilaatinneqarsinnaapput misiligutinik suliaqarnermi, nakorsaatinik, immikkut ittunik akissarsianik taartaagallartunullu aningaasartuutit, inunnik tunillatsissimasunut mattunneqartunut inissiinerit, ilisimatitsinerit il.il.

Oqaasertaliussat nutaajupput.

**Ilanngussaq** - Oqaasertaliussat kiisalu kontomut pingaarnermut 34.01.05 Coronavirus (COVID-19) tunngavigalugu immikkut ittunik iliuusissat pillugit nassuiaatit

Nr. 2.

Kontumi pingaarnermi matumani atuinerunerit aningaasanut inatsiseqarfiusumut tullermut nuunneqarnissaannik oqaasertaliussatigut Naalakkersuisut piginnaatinneqarput.

Akiliutissaajumaartut annertussusissaat piffissami matumani nalilerneqarsinnaanngikkallarput. Tamatumani pissutaavoq coronavirus pissutigalugu aningaasartuutit tamakkiisut maanna nalilersorneqarsinnaanngimmata. Naalakkersuisut qularnaarniarpaat pisariaqartumik iliuusissat annertussusiisa paasineqarneri naapertorlugit qulaajarnissaat. 2020-mut aningaasaliissutissat qanoq annertutiginnissaat paasineqariarpat konto pingaarnermi 2020-p ingerlanerani aningaasaliissutissanik Naalakkersuisut qinnuteqarumaartut naatsorsuutigineqarpoq.

Oqaasertaliussat nutaajupput.

Nr. 3

Coronavirus (COVID-19)-mut tunngatillugu Polar Seafood A/S coronavirus akiorniarlugu peqqinnissaqarfimmut atortussanik saniatigut pisiniarsinnaanermut atugassanik aningaasatigut tapiiniarluni nalunaaruteqarpoq.

Aningaasat tiguneqartut peqqinnissaqarfimmiissapput, tapersiisorlu kissaatigippagu tapiissutit coronavirus akiorniarlugu aalajangersimasumik atorneqassappata, peqqinnissaqarfiup aningaasatigut tapersiisut oqaloqatigissavai.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit akuerineqartoq ulloq xx-yy-2020, suliap nr. 20-xxx.



**34.01.05 Coronavirus (COVID-19) pissutigalugu immikkut ittumik iliuuseqarneq  
(Ingerlatsinermut aningaasaliissutit)  
Missingersuutit nassuiarneqarnerat**

---

1.000 kr.

---

Ilangaaseereerluni aningaasartuutit 0

---

**Ilassutitut aningaasaliissutit 2020**

Kontumut pingaarnermut matumunnga oqaasertaliussaqrpoq.

Konto pingaarneq manna nutaajuvoq. Kontu pingaarneq manna matumunngalu oqaasertaliussat pilersinneqarnerani coronavirus pissutigalugu immikkut ittumik iliuuseqarnermut aningaasartuutit akilernissaannut Naalackersuisut piginnaatinneqarput.

Immikkut ittumik iliuuseqarnermut aningaasartuutit ilaatigut tassaasinnaapput inunnik tunillatsissimasunik katsorsartarfinnut angallassineq tassungalu atatillugu katsorsaaneq. Tamatuma saniatigut ilaatigut peqqinnissaqarfinni sulisut napparsimasunut katsorsaanerannut tamatumani nalinginnaasumik suliffitsik qimallugu illoqarfinni nunaqarfinnilu sulisarnerannut ilanngullugit aningaasartuutit akilerneqarsinnaapput. Taamatuttaaq misissuisarnernut, nakorsaatinut, immikkut akissarsiassanut taartaasunullu aningaasartuutininut, tunillatsissimasut immikkoortitaasut ineqartinnissaannut, paasissutissiinernut il.il. aningaasartuutit akilerneqarsinnaapput.

Kontup pingaarnernup aningaasaliissutit aalajangersimasumik kisitsisilernagit pilersinneqarnissaa siunnersuutigineqarpoq. Taamaaliornermi kontumit pingaarnermut aningaasartuutininik atuinerup killilerniarneqarnera siunertaanngitsoq erseqqissaatigineqassaaq. Maannakkut kontumi pingaarnermi aningaasartuutissat pisariaqartinneqartut kisitsisilerneqarsinnaanngikkallarput.

Naalackersuisut assigiinngitsutigut pisariaqartitsinerit saqqummerarneri naapertorlugit, pisariaqartitsinerup annertussusaa tamatumalu malitsigisaannik iliuusissatut pisariaqartinneqartut annertussusaat pillugit tamakkiisumik isiginninneq anguniarlugu sulissutigivaat. Naalackersuisut kingusinnerusukkut aningaasaliissutit pisariaqartinneqartut qulaajarneqarnerulerpata ukiumi 2020-mi kontumut pingaarnermut aningaasaliissutininik immikkoortitsinissamut qinnuteqaammik nassiussinissaat naatsorsuutigineqarpoq.

Aningaasaqarnermut Ataatsimiititaliamit ulloq xx-yy-2020., akuersissutigineqarpoq, suliap nr. 20-xxx.



INATSIARTUT

## **Aningaasaqarnermut Aatsitassanullu Naalackersuisoq**

Ulloq: 26. marts 2020  
J.nr.: 01.31.06/20-00872

### **Aningaasaqarnermut Akileraartarnermullu Ataatsimiititaliap pingasunngornermi ulloq 25. marts 2020-mi aalajangiineranik Naalackersuisunut ilisimatitsineq.**

**Coronavirusimut (COVID-19) atatillugu peqqinnissaqarnermi immikkut ittumik iliuuseqarnissamut ilassutissatut aningaasaliinissamut qinnuteqaat. – Suliaq nr. 01.31.06/20 – 00872. Nukinginnartoq**

Naalackersuisut **inassutigaaat:**

- 2020-mut ilassutitut aningaasaliissutissanut inatsisissatut siunnersuummi konto pingaarneq nutaaq 34.01.05 Coronavirus (COVID-19) tunngavigalugu immikkut ittunik iliuusissat tunngavigalugu immikkut ittumik iliuuseqarnissat ilanngunneqasasooq 0 kr.-imik aningaasaliissutitalerlugu kontomut pingaarnermut missingersuutitut ilanngussaqaq ilanngunneqartoq naapertorlugu, aamma
- ilanngussaqaq ilanngunneqartoq naapertorlugu 2020-mut ilassutitut aningaasaliissutissanut inatsimmut siunnersuummi kontomut pingaarnermut, 34.01.05 Coronavirus (COVID-19) tunngavigalugu immikkut ittunik iliuusissat, oqaasertaliussat nr. 1, 2 aamma 3 ilanngunneqassasut”

### **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Suliami aalajangiinerminut matuma kinguliani allassimasumut tunngatillugu apeqqutit oqaaseqaatillu matuma kingulianiittut piaartumik akineqarnissaat ataatsimiititaliamit kissaatigineqarpoq.

#### **Apeqqu 1:**

Inassuteqaat Aningaasaqarnermut Akileraartarnermullu Ataatsimiititaliamit ima paasineqarpoq; immikkut ittumik aningaasaliissutissat qanoq amerlatiginissaat Naalackersuisunit suli paasineqarsimanngitsoq. Taama oqariartorneq ataatsimiititaliamit tusaatissatut tiguneqarpoq. Tamatuma kingorna aningaasaliissutissatut pisariaqartinneqartut paasinarsineroriarpata kontomi pingaarnermi siuliani taaneqartumi aningaasaliissutissat immikkoortinneqarnerannik imaqartumik aningaasaliissuteqarnissamik qinnuteqaammik Naalackersuisut nassiussinissaat ataatsimiititaliamit naatsorsuutigineqarpoq.

#### **Apeqqu 2:**

Aningaasaliissutit 50 mio. kr.-inik aalajangersimasumik aningaasartalerneqarnissaat aalajangersarneqasasooq Peqqissutsimut Pitsaaliuinernullu Aqutsisoqarfiup siunnersuutigigaa ataatsimiititaliamit maluginiarneqarpoq. Aningaasanilli aalajangersimasunik aalajangersaanissap utaqqimaarneqarnissaa Naalackersuisunut toqqarneqarpoq, tassa coronavirusip nassatarisaanik aningaasartuutissat annertussusissaat piffissap imaalinerani qulaajarumi-naammata. Taama toqqaaneq ataatsimiititaliamit paasilluarneqarsinnaavoq, tamannalu pillu-

gu aningaasaliissuteqarnissamik qinnuteqaammik Naalakkersuisut nassiussinissaat utaqqi-neqarpoq. Tassungali atatillugu aningaasaliissuteqaqqinnissamik pisariaqartitsineq aningaasani siuliani taaneqartunit 50 mio. kr.-iusunit annertunerussagaluarpas Naalakkersuisut kinguarsaanertaqanngitsumik tamanna pillugu ataatsimiititaliamut ilisimatitsinissaat ataatsimiititaliamit kissaatigineqarpoq.

Kiisalu ataatsimiititaliamit aamma naatsorsuutigineqarpoq 50 mio. kr.-init taaneqartunit amerlanerusunik aningaasartuuteqartoqassappat, tamanna Aningaasaqarnermut Akileraartarnermullu Ataatsimiititaliap siumoortumik akuersissutiginneqqaarneratigut aatsaat pisinnaasoq.

### **Apeqqu 3:**

Aningaasaliissutit nalinginnaasut aammalu aningaasaliissutit immikkut ittut suliami matumani ersarilluinnartumik immikkoortinneqarnissaat ataatsimiititaliamit naatsorsuutigineqarpoq. Taamaalillunilu ataatsimiititaliamit naatsorsuutigineqarpoq nalinginnaasumik aningaasaliissutit aningaasaliinermi tunngavigineqartut malillugit atorineqarnissaat, taamaalillunilu qulakkeerneqarluni assersuutigalugu peqqinnissaqarfimmik nalinginnaasumik ingerlatsinermit aningaasanik tigusisoqannginnissaa. Taamaattumillu aningaasaliissutaareersut coronamut tunngatillugu aningaasartuutitut pingaarnertut atorineqarnissaat, tamatumalu kingorna suliamut matumunnga tunngatillugu aningaasaliissutaasut taakku qaavannut ilineqarnissaat ataatsimiititaliamit naatsorsuutigineqanngilaq.

### **Apeqqu 4:**

Suliamut tunngatillugu isummernissamat tunngavissiami ima allassimavoq:

*"Oqartussaaffinnut peqqinnissaqarfiumngitsumut immikkut aningaasartuutit matussu-  
serrnissaannut tunngatillugu maluginiaqquneqassaaq coronavirusi aningaasaliissuti-  
gineqartunut allanut suliakinnerulernermik kinguneqarnissaa, matumani angalanerit,  
atorfinitsitsinerit il.il. Aammattaaq pilersaarutaasut suliniutaasut suli aallartinne-  
qarsimannngitsut kinguartinneqarsinnaanngillat. Aningaasaqarnermut Naalakkersui-  
soqarfiup naalakkersuisoqarfiit sinneri suleqatigalugit piffissami aggersumi suliassa-  
qarfiit sorliit suliakinnerulernersut suliaqarnerulersullu pillugit qulaajarniarniarpai."*

Tamatuma itisilernerqarnissaa ataatsimiititaliamit kissaatigineqarpoq. Coronavirus tunngavi-  
galugu pisariaqartumik immikkut ittumik iliuuseqartariaqarnerup kingunerisaanik qitiusu-  
mik allaffeqarfimmi taakkulu ataanni ingerlatsivinni naatsorsuutiginnngisanik aningaasar-  
tuuteqartoqartariaqarnissaa Naalakkersuisunit naatsorsuutigineqarpa? Taamaassimappat taa-  
matut aningaasartuutaanerussutaasinnaasut suliassat aningaasaliinermi tunngaviit aalajanger-  
simasut naapertorlugit ingerlanneqaannarsinnaanerannut pitsaanngitsumik kinguneqanngin-  
nissaat Naalakkersuisunit qanoq qulakkeerneqalersarpa? Peqqinnissaqarfimmi suliniute-  
qarnermut immikkut aningaasaliissuteqarnissaaq isummernissamat tunngavissiami matumani  
pineqarmat peqqinnissaqarfiup avataani immikkoortunut allanut sunniutigisinnaasai Naalak-  
kersuisunit naliliiffigineqarnissaat ataatsimiititaliamit kissaatigineqarpoq.

Nunatta karsianit toqqaannartumik tigusinikkut aningaasartuuteqarnerunissamat piginnaatit-  
sissuteqarnerup aammalu atuinerussutinik aningaasat ukiuannut tullermut nuussisinnaanerup  
saniatigut covid-19 pissutigalugu immikkut ittumik iliuitsit tamaasa matussuserniarlugit  
suliniutit maanna ingerlasut aallartinneqartussallu sorliit aningaasanik aallerfigineqaler-  
saarpat?

### **Apeqqu 5:**

Illassutitut aningaasaliissuteqarnissamik qinnuteqaatit siulliit assigalugit suliap ingerlanera pillugu ingerlaavartumik ilisimatinneqartarnissaq Aningaasaqarnermut Akileraartarnermullu Ataatsimiititaliamit kissaatigineqarpoq. Tamanna akuttunngitsumik minnerpaamillu ullut 14.-ikkaarlugit imaluunniit naatsorsuutiginnisamik pisoqarnerani pisariaqarpoq. Aningaasaliissuteqaqqinnissamik pisariaqartitsineq aningaasanit siuliani taaneqartunit 50 mio. kr.-iusunit annertunerussagaluarpas Naalakkersuisut kinguarsaanertaqanngitsumik tamanna pillugu ataatsimiititaliamut ilisimatitsinissaannik ataatsimiititaliap apeqqu 2-mi kissaataa ataatsimiititaliamit uteqqinneqassaaq.

### **Apeqqu 6:**

Ungasinnerusoq isigalugu kingunerisinnaasai pillugit Naalakkersuisut qanoq eqqarsaateqarpat aammalu Naalakkersuisut allanik illassutissaqarpat?

Coronavirus tunngavigalugu pisariaqartumik immikkut ittumik iliuuseqartariaqarnerup pisortanut aningaasaqarnikkut allaffissornikkullu ataatsimoortumik kingunerisaat pillugit erseqqinnerusumik nassuiaammik Naalakkersuisut maannangaaq piareersaalereernissaat ataatsimiititaliamit kissaatigineqarpoq.

Kiisalu iliuutsit assigiinngitsut manna tikillugu aallartinneqartut tunngavigalugit angusat pillugit killiffimmik Naalakkersuisut ataatsimiititaliap nalinginnaasumik ataatsimiinnerani saqqummiussinissaat ataatsimiititaliamit kissaatigineqarpoq. Tassunga aamma atatillugu Naalakkersuisut pilersaarutaat siumut isigisut pillugit ilisimatinneqarnissani ataatsimiititaliap kissaatigaa.

### **Apeqqu 7:**

Suliaq manna pillugu sulinerup ingerlaqqinnerani Ilaqutariinnermut Peqqissutsimullu Ataatsimiititaliap susassaartutut akuutinneqarnissaa Naalakkersuisunit isumaliutigineqarsimava?

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni apeqquaqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Uunga: Inatsisartut Aningaasaqarnermut Akileraartarnermullu Ataatsimiititaliaat  
Att: Sakarias Amondson

### **Aningaasaqarnermut Akileraartarnermullu Ataatsimiititaliamit apeqqutigineqartut akineqarnerat - corona IA-suliaq 20-872-imut tunngatillugu**

Allakkami matumani coronavirusimut (COVID-19) atatillugu peqqissutsikkut immikkut ittumik iliuseqarsinnaanernut piginnaatitsissut pillugu IA-suliaq 20-872-ip suliarinissaanut Aningaasaqarnermut Akileraartarnermullu Ataatsimiititaliap apeqqutai akineqarput.

#### **Apeqquut 1:**

Inassuteqaat Aningaasaqarnermut Akileraartarnermullu Ataatsimiititaliamit ima paasineqarpoq; immikkut ittumik aningaasaliissutissat qanoq amerlatiginissaat Naalakkersuisunit suli paasineqarsimangitsoq. Taama oqariartorneq ataatsimiititaliamit tusaatissatut tiguneqarpoq. Tamatuma kingorna aningaasaliissutissatut pisariaqartinneqartut paasinarsineroriarpata kontomi pingaarnermi siuliani taaneqartumi aningaasaliissutissat immikkoortinneqarnerannik imaqartumik aningaasaliissuteqarnissamik qinnuteqaammik Naalakkersuisut nassiussinissaat ataatsimiititaliamit naatsorsuutigineqarpoq.

#### **Akissut:**

Aningaasaqarnermut Akileraartarnermullu Ataatsimiititaliap pisumut isiginninnera eqqortuuvoq. COVID-19-imut tunngatillugu qanoq aningaasartuutininik pisariaqartitsisoqalissatiginersooq oqaatigiuminaappoq. Konto pingaarnaq nutaaq, tassungalu oqaasertaliussat, aningaasaliissuteqarnissamut atortussatut atugassaavoq, taannalu aqqutigalugu aningaasartuutissat pisariaqartinneqartut aningaasaliiffiginissaat tunngavissinneqarpoq.

#### **Apeqquut 2:**

Aningaasaliissutit 50 mio. kr.-inik aalajangersimasumik aningaasartalerneqarnissaat aalajangersarneqassasoq Peqqissutsimut Pitsaaliuinnermullu Aqutsisoqarfiup siunnersuutigigaa ataatsimiititaliamit maluginiarneqarpoq. Aningaasanilli aalajangersimasunik aalajangersaanissap utaqqimaarneqarnissaa Naalakkersuisunit toqqarneqarpoq, tassa coronavirusip nassatarisaanik aningaasartuutissat annertussusissaat piffissap imaalinerani qulaajaruminaammata. Taama toqqaaneq ataatsimiititaliamit paasilluarneqarsinnaavoq, tamannalu pillugu aningaasaliissuteqarnissamik qinnuteqaammik Naalakkersuisut nassiussinissaat utaqqineqarpoq. Tassungali atatillugu aningaasaliissuteqaqqinnissamik pisariaqartitsineq aningaasanit siuliani taaneqartunit 50 mio. kr.-iusunit annertunerussagaluarpat Naalakkersuisut kinguarsaanertaqanngitsumik tamanna pillugu ataatsimiititaliamut ilisimatitsinissaat ataatsimiititaliamit kissaatigineqarpoq.

Kiisalu ataatsimiititaliamit aamma naatsorsuutigineqarpoq 50 mio. kr.-init taaneqartunit amerlanerusunik aningaasartuuteqartoqassapat, tamanna Aningaasaqarnermut

Allakkap ullulernera: 02-04-  
2020  
Sullap normua. 2020 - 6094  
All. id. 13462908

P.O. Box 1037  
3900 Nuuk  
Oqarasuaat Oqarasuaat (+299)  
34 50 00  
Allakkasuaat (+299) 34 63 50  
E-mail: oed@nanoq.gl  
www.naalakkersuisut.gl

Akilerartarnermullu Ataatsimiititaliap siumoortumik akuersissutiginneqqaarneratigut aatsaat pisinnaasoq.

**Akissut:**

Apeqquut 5 tullinguuttuniittoq malillugu Aningaasaqarnermut Akilerartarnermullu Ataatsimiititaliap ineriartorneq pillugu paasissutissanik tiguisuussaaq. Taamaattoq suliniutip unitsinnissaanut aamma aningaasat 50. mio. kr.-nit sipporneqassagaluarpata Aningaasaqarnermut Akilerartarnermullu Ataatsimiititaliap akuersissuteqaqqaartarnissaata utaqqisarnissaanut piumasaqarnerit eqqarsarnartoqartorujussuusutut isigineqarput, tassami Aningaasaqarnermut Akilerartarnermullu Ataatsimiititaliap akuersissuteqarnissaata utaqqinerani tamanna suliarinninnissat inuunermt pingaaruteqarlunnartut unitsikkallarnissaannik kinguneqarsinnaammat.

Taasami oqaasertaliussat Aningaasaqarnermut Akilerartarnermullu Ataatsimiititaliamit akuersissutigineqartut aqutigalugit napparsimasut suliarisarnissaat periarfissineqarpoq, matumani peqqinnissaqarfik aningaasaliissuteqarnissamut tunngavissamik utaqqeqaanngikkaluarluni.

**Apeqquut 3:**

Aningaasaliissutit nalinginnaasut aammalu aningaasaliissutit immikkut ittut suliami matumani ersarillunnartumik immikkoortinneqarnissaat ataatsimiititaliamit naatsorsuutigineqarpoq. Taamaalillunilu ataatsimiititaliamit naatsorsuutigineqarpoq nalinginnaasumik aningaasaliissutit aningaasaliinermi tunngavigineqartut malillugit atorneqarnissaat, taamaalillunilu qulakkeerneqarluni assersuutigalugu peqqinnissaqarfimmik nalinginnaasumik ingerlatsinermi aningaasanik tiguisoqannginnissaa. Taamaattumillu aningaasaliissutaareersut coronamut tunngatillugu aningaasartuutitut pingaarnertut atorneqarnissaat, tamatumalu kingorna suliamut matumunnga tunngatillugu aningaasaliissutaasut taakku qaavannut ilineqarnissaat ataatsimiititaliamit naatsorsuutigineqanngilaq.

**Akissut:**

Taamaammallu konto pingaarneq toqqaannartumik Peqqissutsimut Pitsaaliuinerimullu Aqutsisoqarfiup ataanut inissinnagu Peqqissutsimut Naalakkersuisoqarfiup ataanut inissineqarpoq, matumani suliassat peqqinnissaqarfiup nammineq suliarisinnaasaasa aamma COVID-19-p kingunerisaanik immikkut suliassaasut akornanni avissaaqatitsinissaq eqqarsaatigalugu.

Massakkullu killilersuinerit kingunerisaannik, soorlu timmisartuussisarnerit iluanni, suliaritinnissat pilersaarutaareersut arlallit kinguartinnissaat ilimagisariaqarpoq.

**Apeqquut 4:**

Suliamut tunngatillugu isummernissamut tunngavissiami ima allassimavoq: *"Oqartussaaffinnut peqqinnissaqarfiunngitsumut immikkut aningaasartuutit matussusernissaannut tunngatillugu maluginiaqquneqassaaq coronavirusi aningaasaliissutigineqartunut allanut suliakinnerulermik kinguneqarnissaa, matumani angalanerit, atorfinitsinerit il.il. Aammattaaq pilersaarutaasut suliniutaasut suli aallartinneqarsimanngitsut kinguartinneqarsinnaanngillat Aningaasaqarnermut Naalakkersuisoqarfiup naalakkersuisoqarfiit sinneri suleqatigalugit piffissami aggersumi suliassaqarfiit sorliit suliakinnerulermersut suliagarnerulersullu pillugit qulaajarniarpai."*

Tamatuma itisilernerqarnissaa ataatsimiititaliamit kissaatigineqarpoq. Tamatuma itisilernerqarnissaa ataatsimiititaliamit kissaatigineqarpoq. Coronavirus tunngavigalugu pisariaqartumik immikkut ittumik iliuuseqartariaqarnerup kingunerisaanik qitiusumik allaffeqarfimmi taakkulu ataanni ingerlatsivinni naatsorsuutiginnisanik aningaasartuuteqartoqartariaqarnissaa Naalakkersuisunit naatsorsuutigineqarpa? Taamaassimappat taamatut aningaasartuutaanerussutaasinnaasut suliassat aningaasaliinermi tunngaviit aalajangersimasut naapertorlugit ingerlanneqaannarsinnaanerannut pitsaanngitsumik kinguneqannginnissaat Naalakkersuisunit qanoq qulakkeerneqalersaarpa? Peqqinnissaqarfimmi suliniuteqarnermut immikkut aningaasaliissuteqarnissaq isummernissamut tunngavissiami matumani pineqarmat peqqinnissaqarfiup avataani immikkoortunut allanut sunniutigisinnaasai Naalakkersuisunit naliliiffigineqarnissaat ataatsimiititaliamit kissaatigineqarpoq?

Nunatta karsianit toqqaannartumik tigusinikkut aningaasartuuteqarnerunissamut piginnaatitsissuteqarnerup aammalu atuinerussutinik aningaasat ukiuannut tullermut nuussisinnaanerup saniatigut covid-19 pissutigalugu immikkut ittumik iliuutsit tamaasa matussuserniarlugit suliniutit maanna ingerlasut aallartinneqartussallu sorliit aningaasanik aallerfigineqalersaarpat?

**Akissut:**

Apeqqut 6-imut akissut tullinnguuttuniittoq innersuussutigineqarpoq.

**Apeqqut 5:**

Ilasutitut aningaasaliissuteqarnissamik qinnuteqaatit siullit assigalugit suliap ingerlanera pillugu ingerlaavartumik ilisimatinneqartarnissaq Aningaasaqarnermut Akileraartarnermullu Ataatsimiititaliamit kissaatigineqarpoq. Tamanna akuttunngitsumik minnerpaamillu ullut 14.-ikkaarlugit imaluunniit naatsorsuutiginnisamik pisoqarnerani pisariaqarpoq. Aningaasaliissuteqarqinnissamik pisariaqartitsineq aningaasanit siuliani taaneqartunit 50 mio. kr.-iusunit annertunerussagalarpat Naalakkersuisut kinguarsaanertaqanngitsumik tamanna pillugu ataatsimiititaliamut ilisimatitsinissaannik ataatsimiititaliap apeqqut 2-mi kissaataa ataatsimiititaliamit uteqqinneqassaaq.

**Akissut:**

COVID-19 eqqarsaatigalugu Namminersorlutik Oqartussat aningaasaqarnikkut ingerlatsineranni ineriartortoqarnera pillugu Aningaasaqarnermut Akileraartarnermullu Ataatsimiititaliamut paasissutissiiuarnissat pillugit Naalakkersuisut ilungersuuteqarniarput. Ulluni makkunani Namminersorlutik Oqartussani allaffissornikkut suliqaartut ilarpasui angerlarsimaffigisaminniit sulisussanngortinneqarsimapput. Naallu tamanit piunassuseqarluortoqaraluartoq allaffissornikkut sulinerit ikinnerulersimapput. Tamakkulu pissutigalugit ullut 14-ikkaarlugit nalunaaruteqartarnissamut Aningaasaqarnermut Akileraartarnermullu Ataatsimiititaliap kissaateqarneri akissuteqarfiginiarnerat unamminartoqarsinnaavoq. Kisianni Naalakkersuisut ajornartoornernut suliniutit aallartinneqartut aamma peqqinnissaqarfimmi immikkut aningaasartuutit pillugit paasissutissiisarnertik soorunami ingerlatiinnassavaat.

**Apeqqut 6:**

Ungasinnerusoq isigalugu kingunerisinnaasai pillugit Naalakkersuisut qanoq eqqarsaateqarpat aammalu Naalakkersuisut allanik ilasutissaqarpat?

Coronavirus tunngavigalugu pisariaqartumik immikkut ittumik iliuseqartariaqarnerup pisortanut aningaasaqarnikkut allaffissornikkullu ataatsimoortumik kingunerisaat pillugit erseqqinnerusumik nassuiaammik Naalakkersuisut maannangaaq piareersaalereernissaat ataatsimiititaliamit kissaatigineqarpoq. Kiisalu iliuitsit assigiinngitsut manna tikillugu aallartinneqartut tunngavigalugit angusat pillugit killiffimmik Naalakkersuisut ataatsimiititaliap nalinginnaasumik ataatsimiinnerani saqqummiussinissaat ataatsimiititaliamit kissaatigineqarpoq. Tassungaa aamma atatillugu Naalakkersuisut pilersaarutaat siumut isigisut pillugit ilisimatinneqarnissani ataatsimiititaliap kissaatigaa.

**Akissut:**

Naalakkersuisut COVID-19-p kingunerisaanik aningaasaqarnikkut sunniutaasinnaasut ataatsimut nassuiaaffiginissaannik suliaqarput. Taamatut sulineq piffissami qaninnermi uneriarpata Aningaasaqarnermut Akileraartarnermullu Ataatsimiititaliaq Naalakkersuisut pilersaarutaat pillugit ilisimatinneqarumaarpoq.

COVID-19 peqqinnissaqarfimmi immikkut aningaasartuutissatut ilimagineqartut saniatigut inuussutissarsiortunut ikiorsiissutissanut aamma pisariaqartunik timmisartuussinissanut aningaasartuuteqalernerunissanik arlalinnik kinguneqartussaavoq, taakkunungalu ilaallutik inuiaqatigiinni aningaasarsiornerup appariafuiunerata kingunerisaanik ilaasussat ingerlariaqqissinnaanngitsut aamma akileraarutitigut isertitassat pigiunnaanerat. Taamatuttaaq assersuutigalugu atorfiit inuttaqanngitsut amerlanerit, angalasarnerit ikilinerat il.il. aqqutigalugit aningaasartuutikinnerulernermik pisoq kinguneqartussaassaaq.

Pisut tamakku tamakkerlutik aningaasaqarnikkut sillimanissamut pilersaarutinut Naalakkersuisut taaneqareersutut sulissutigisaannut ilanngunneqarput.

**Apeqqut 7:**

Suliaq manna pillugu sulinerup ingerlaqqinnerani Ilaqutariinnermut Peqqissutsimullu Ataatsimiititaliap susassaqartutut akuutinneqarnissaa Naalakkersuisunit isumaliutigineqarsimava?

**Akissut:**

Suliap matuma immiini ilaqutariinnut imaluunniit peqqinnissakkut politikimi kinguneqartussaanngitsooq Naalakkersuisut isumaqarput.

Med venlig hilsen

Inussiarnersumik Inuulluaqqusillunga

  
Martha Abelsen





Uunga: Inatsisartuts Aningaasaqarnermut Akileraartarnermullu Ataatsimiititaliaat  
Att.: Sakarias Amondson

Ilanngussaq  
Bilag

Naalakkersuisut Siulittaasuat, Kim Kielsen ullumi (3. april 2020) ima aalajangiivoq:

**Mittarfeqarfiit Nunap Karsiani sippuisinnaatitaaneraniq qaffaanissaq  
pillugu ilassutitut aningaasaliissutissanut tunngatillugu qinnuteqaat**  
(Aningaasaqarnermut Aatsitassaqaarnermullu Naalakkersuisoq  
aamma Ineqarnermut Attaveqaaqatigiinnermullu Naalakkersuisoq)

06-04-2020

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanog.gl  
www.naalakkersuisut.gl

Naalakkersuisut aalajangerput:

- inassuteqaatit uku Inatsisartut Aningaasaqarnermut Akileraartarnermullu Ataatsimiititaliaannut akuerisassanngorlugit aammalu nukingiusamik suliarineqarnissaat qinnuteqaatigalugu ingerlateqqinneqarnissaat Naalakkersuisut akuerissagaat:

"Naalakkersuisut inassutigaat,

- 2020-mut ilassutitut aningaasaliissutitut inatsissatut siunnersuummut ilanngussaq ilaliunneqartoq naapertorlugi oqaasertaliussaq kontomut pingaarnermut 20.10.11 Ermiat ilanngaaseriikkat, ilanngunneqassasoq."

Taamaalilluni inassut Inatsisartut Aningaasaqarnermut Akileraartarnermullu Ataatsimiititaliaannut nassiunneqarpoq. Naalakkersuisut isummernissaannut tunngavissiap assilineri ilanngussallu assilineri ilanngunneqarput.

Inussiarnersumik inuulluaqqusillunga

Vittus Qujaukitsoq

**Aningaasaqarnermut Aatsitassaqaqarnermullu Naalakkersuisoq  
Ineqarnermut Attaveqaqatigiinnermullu Naalakkersuisoq**

04-04-2020

Suliaq normu: 2020 - 1342

Ullormut oqaluuserisassaq:\_\_\_\_\_

**Naalakkersuisut isummernissaannut tunngavissiaq**

**Mittarfeqarfiit Nunap Karsiani sippuisinnaatitaaneraniq qaffaanissaq  
pillugu ilassutitut aningaasaliissutissanut tunngatillugu qinnuteqaat**

**Inassuteqaat**

Aningaasaqarnermut Aatsitassaqaqarnermullu Naalakkersuisup aamma Ineqarnermut Attaveqaqatigiinnermullu Naalakkersuisup **inassutigaaat**,

- inassuteqaatit uku Inatsisartut Aningaasaqarnermut Akileraartarnermullu Ataatsimiititaliaannut akuerisassanngorlugit aammalu nukingiussamik suliarineqarnissaat qinnuteqaatigalugu ingerlateqqinneqarnissaat Naalakkersuisut akuerissagaat:

”Naalakkersuisut **inassutigaaat**,

- 2020-mut ilassutitut aningaasaliissutininut inatsissatut siunnersuummut ilanngussa q ilaliunneqartoq naapertorlugu oqaasertaliussa q kontomut pingaarnermut 20.10.11 Erniat ilanngaasariikkat, ilanngunneqassasoq.”

## **Aallaqqaasiut**

Isummernissamut tunngavissiami matumani inassutigineqarpoq, kontomut pingaarnermut 20.10.11 Erniat ilanngaaseriikkat, oqaasertaliussap nutaap, Mittarfeqarfiit Nunap Karsiani sippuisinnaatitaanerannik 100-miit 200 mio. koruuninut annertusitsiviusussap ilanngunneqarnissaa pillugu Aningaasaqarnermut Akileraartarnermullu Ataatsimiititaliamut qinnuteqaateqartoqassasoq.

## **Tunngavigisag**

Ilassutitut aningaasaliissutissanik qinnuteqaammi matumani Mittarfeqarfiit mittarfinnik, qulimiguulinnut mittarfinnik akunnittarfinnillu ingerlatsinermi suliaasa ilarujussuisa COVID-19-ip takkunnerani, Kalaallit Nunaanni kiisalu Kalaallit Nunaannut aamma Kalaallit Nunaanniit timmisartut atorlugit assartuussinerit il.il. tamarmik unitsikkallarnerqarnerinik nassataqartup matusigallarnerat tunngavigineqarpoq. Suliassat amigaataaneri Mittarfeqarfiit ilaasunut akitsuutinik il.il. annaasaqarnerisigut suliffeqarfimmut annertuumik unammillertitsipput, aammalu Mittarfeqarfiit isertitassatut annaasat amerlaqataannik pissarsiniarlutik aningaasartuutiminnik ikilisitsinissamut killeqartorujussuarnik periarfissaqarput. Tamatuma saniatigut Mittarfeqarfinni sulisut ikinnerpaaffissaminneereerput, taamaattumillu siunissaq qanittoq eqqarsaatigalugu sulisunik soraarsitsisoqarsinnaanngilaq, silaannakkut angallassinerit suli angalasukinnerpaaffiummata. Nioqutissanik atuinerup annikinnerulerneranut, sanaartukkanut atortunullu nungullarsimasunut, kiisalu sulinermut atatillugu angalanerit sipaarfigineqarnerinut atatillugu sipaagaqartoqassaaq. Sipaagassalli taakku amerlanngillat, aammalu sukkuluunniit kaaviiartitsinermi annaasanut matussusiisnaanngillat, taamaalillutillu akiliisnaassutsimut pisariaqartitanik annikillititsillutik.

Mittarfeqarfiit ukiut arlallit ingerlanerini Nunap Karsiani 100 mio. koruunit tikillugit sippuisinnaatitaavoq. Sippuisinnaatitaaneq kontomut pingaarnermut 20.10.11 Erniat ilanngaaseriikkat, oqaasertaliussaq aqutigalugu piginnaatitsissuteqarfiusarpoq.

Mittarfeqarfiit aningaasaqarnerat ukiuni kingullerni ajornartorsiorfiuvoq, taamaattumillu sippuisinnaatitaaneq akuttunngitsumik annerpaaffissaa tikillugu atorneqartarpoq. Mittarfeqarfiit sippuisinnaatitaanermik atuineranni maanna 92,7 mio. koruunit nalunaarsorsimapput (aningaasanut erniat, 31/3-2020-mi Mittarfeqarfiit naatsorsortitassaralui, kisiannili suli naammassineqanngitsut aningaasanut ilaatinneqanngillat). Tamatuma saniatigut Mittarfeqarfiit sanaartugaataani atortuinilu aserfallatsaaliuineq annertuumik kinguaattoorfiuvoq. Tamanna naammassiniarlugu AI2019-imi kontomi pingaarnermi 87.73.22 Mittarfeqarfiit – mittarfiit, 2019-imut 20 mio. kouruunit aamma 2020-mut 10 mio. koruunit immikkoortinneqarput. Taakku saniatigut 2019-imi ilassutitut aningaasaliinikkut 20 mio. koruunit aningaasaliissutigineqarput, tak. AI-mut suliaq 19-854.

Taamaattumik Mittarfeqarfiit aningaasaqarneranni unammilligassat aamma sanaartukkat atortullu aserfallatsaaliorneqarnissaannut kinguaattoorutit ukiuni kingullerni ilisimaneqarput naammassinissaallu anguniarneqartarluni. Pissutsit taakku aamma AI 2020-mi kontomut

pingaarnermut 72.26.02 Kalaallit Nunaanni Mittarfiit, Mittarfeqarfiit, missingersuutini allaaserineqarput.

Pissutsit maanna atuuttut tunngavigalugit timmisartuussinerit unitsinneqarnerini aallaqqaammut Mittarfeqarfiit, suliffeqarfiup ingerlaannarsinnaanissaanut akiliisinnaassuseqarnissamik pisariaqartumik qulakkeerinissamik pisariaqartitsipput. Isummernissamut tunngavissiami matumani tamanna anguniarneqarpoq. Matusinerup sivilissusissaata aamma COVID-19-ip ineriartornerata ilisimaneqaleriartornera malillugu, Mittarfeqarfiit siunissami ungasinnerusumi aningaasaqarnikkut oqimaatigiissumik inissinnissaa qulakkeerniarlugu siunissamut ungasinnerusumut aaqqiissutissanik ujartuisoqarnissaa naatsorsuutigineqarpoq. Tamatumunnga atatillugu suliniutissat ilaattut Mittarfeqarfiit konto pingaarneq 72.26.02 Kalaallit Nunaanni mittarfiit, Mittarfeqarfiit, aqquutigalugu Nunap Karsianut ukiumoortumik akiliutaat 15,4 mio. koruuniniit 0 koruuninut appartinneqarsinnaapput.

Mittarfeqarfiit 2007-imili Nunap Karsianut akiliuteqartalerput, tamannalu Angallannerup Ilusia 2006-2010-mut isumaqatiginninniarnertit inerneraat.

Mittarfeqarfiit matusinerimi suliffeqarfiup akiliisinaassusiata ineriartornissaanut naatsorsuutigisat pillugit periarfissatut ilusilianik suliaqarpoq, tassanilu marsimi ilaasussat nalinginnaasumik sulianut naleqqiullutik 50%-iunissaat, kiisalu aprilimi juunilu ilaasussat nalinginnaasumik sulianut naleqqiullutik taamaallaat 25%-iunissaat naatsorsuutigineqarpoq. Tamatuma kingorna juulip qaammatani ilaasussat nalinginnaasumik sulianut naleqqiullutik 50%-iunissaat aammalu aggustip qaammataani 75%-iunissaat naatsorsuutigineqarpoq. Tamatuma kingorna septembarimiit ukioq naallugu suliat nalinginnaasumik sulianut naleqqiullutik 100%-inngornissaat naatsorsuutigineqarpoq. Periarfissatut ilusiliaq taanna aallaavigalugu Mittarfeqarfiit pisussaaffitik naammassisinnaaniarlugit Nunap Karsiani 200 mio. koruuninik sippuisinnaatitaanermik pisariaqartitsisussaapput.

Isummernissamut tunngavissiami matumani inassuteqaat tunngavigalugu, tunngavissatut matuma siuliani taaneqartut atorlugit Mittarfeqarfiit, 2020-mi marsimiit aggustumut nalinginnaasumit annikinnerusungaatsiartunik suliaqarlutik 2020 anigorsinnaassagaat ilimanaateqarpoq.

Piffissami tulliuuttumi suliassat ineriartorneri malinnaaffigilluarneqassapput. Nunap Karsiani 200 mio. koruuninik sippuisinnaatitaaneq Mittarfeqarfinnut siunissamut ungasissumut aaqqiissutaassanngilaq, taamaattumillu piffissami aggersumi, matusinerup ineriartornera pitsaanerusumik ilisimaneqaleriartarpat suliffeqarfinnut siunissamut ungasinnerusumut aaqqiissutissanik ujartuisoqarnissaa naatsorsuutigineqarsinnaavoq

### **Aningaasatigut kingunerisinnaasai**

Mittarfeqarfiit sippuisinnaatitaanerannik qaffaanissamut inassuteqaatip akuerineqarnera imminermi Nunap Karsianut aningaasaqarnikkut annertuunik kinguneqassanngilaq. Kingunerisassani annerpaaq Nunap Karsiaata akiliisinnaassusiata ajorseriarneranut

tungasuusaaq, tamannalu soorunami pissutsit maanna atuuttut eqqarsaatigalugit naapertuutinnigilaq. Paarlattuanik soorunami Mittarfeqarfiit ingerlaannarnissaannik qulakkeerinissaq pisariaqarpoq. Mittarfeqarfiit Kalaallit Nnaanni attaveqaatini pinngitsoorneqarsinnaanngilluinnartunik isumagisaqarput.

### **Attaveqaqatigiinneq**

Aningaasaqarnermut Akileraartarnermullu Ataatsimiititaliap aalajangiinera Mittarfeqarfinnut nalunaarutigineqassaaq. Suliap pissusia peqqutigalugu suliap Aningaasaqarnermut Akileraartarnermullu Ataatsimiititaliami nukingiullugu sularineqarnissaa qinnuteqaatigineqarpoq.

### **Tusarniaaneq**

Isummernissamat tungavissiaq manna Ineqarnermut Attaveqaqatigiinnermullu Naalackersuisoqarfiup aamma Aningaasaqarnermut Naalackersuisoqarfiup suleqatigiillutik sularaat. Tamatuma saniatigut Mittarfeqarfiit suliap ingerlanerani akuutinneqarput, taakkunanngaanniillu imaa ilisimaneqarpoq. Tamanna tungnavigalugu akuusunut tusarniaasoqanngilaq.

  
Vittus Qujaukitsoq

/   
Naalackersuisoqarfimmi pisortaq Nikolai S. Christensen

  
Karl Frederik Danielsen

/   
Naalackersuisoqarfimmi pisortaq Ruth Lindhardt

### **Ilanngussat**

- Kontomut pingaarnermut 20.10.11 Erniat ilanngaaseriikkat oqaasertaliussat kiisalu oqaaseqaatit

**Ilanngussaq** – Kontomut pingaarnermut 20.10.11 Erniat ilanngaaseriikkat oqaasertaliussat kiisalu oqaaseqaatit

## **Aningaasaqarnermut Aatsitassaqaarnermullu Naalakkersuisoq – Suliassaqaarfik 20 - 24**

### **Kotomut pingaarnermut 20.10.11 Erniat ilanngaaseriikkat**

AI2020-mi kotomut pingaarnermut matumunnga oqaasertaliussat, oqaaseqaatillu taakkununga atasut peerneqarnissaat, aammalu 2020-mut ilassutitut aningaasaliissutitut inatsimmi kotomut pingaarnermut matumunnga oqaasertaliussassap uuma ilanngunneqarnissaa qinnuteqaatigineqarpoq:

”Naalakkersuisut Nunap Karsiani ima amerlatigisunik sippuisinnaanermut pisinnaatitaaffeqaarnissamut piginnaatinneqassapput:

Mittarfeqaarfiit 200,00 mio. kr.

Nukissiorfiit 70,00 mio. kr.

Sippuisinnaatitaanerup atorneqarnerani ukiumut 3 %-inik erniaqartitsisoqassaaq. Uninngasuutit ukiumut 0 %-inik erniaqartinneqassapput. Erniat naatsorsorneqarnerini ullut atorneqartut amerlassuserpiaat tunngavigalugit ukiumi ilivitsumi ullunut 360-inut agguarneqassapput. Erniat taamatullu qaangiinerit imaluunniit uninngasuutit erniaat ullormiit ullormut naatsorsorneqartassapput aammalu qaammatit pingasukkaarlugit nalunaarsorneqartassallutik.”

### **Kotomut pingaarnermut 20.10.11 Erniat ilanngaaseriikkat, nassuiaatit**

AI2020-mi kotomut pingaarnermut matumunnga oqaasertaliussanut oqaaseqaatit peerneqarnissaat, aammalu 2020-mut ilassutitut aningaasaliissutitut inatsimmi kotomut pingaarnermut matumunnga oqaasertaliussassap uuma ilanngunneqarnissaa qinnuteqaatigineqarpoq:

”Mittarfeqaarfiit aamma Nukissiorfiit ulluinnarni ingerlanneqarnerini akiliisinnaassutsip nikinnera peqqutigalugu Nunap Karsiani sippuisinnaanissaaq pisariaqartinneqarpoq, suliffeqaarfiit imminnutingarlattut niuernerimik tunngaveqarluni atugassarititaasut atorugit taarsigassarsinissamut periarfissaqanngimmata. Suliffeqaarfiit imminnut ingerlattut uninngasuutaasa erniaat ukiumut 0 %-inik annertussuseqarput.

Ilassutitut aningaasaliissutissani ukunani Mittarfeqaarfiit Nunap Karsiani sippuisinnaatitaanerata 100-niit 200 mio. koruuninut qaffanneqarnissaa qinnuteqaatigineqarpoq. Mittarfeqaarfiit mittarfinnik, qulimiguulinnut mittarfinnik akunnittarfinnillu ingerlatsinerimi suliaasa ilarujussuisa COVID-19-ip takkunnerani, Kalaallit Nunaanni kiisalu Kalaallit Nunaannut aamma Kalaallit Nunaanniit timmisartut atorlugit assartuussinerit il.il. tamarmik unitsikkallarneqarnerinik nassataqartup matusigallarnerat tamatumunnga tunngaviuvoq. Suliassat amigaataaneri Mittarfeqaarfiit ilaasunut akitsuutinik il.il. annaasaqarnerisigut suliffeqaarfimmut annertuumik unammillertitsipput. Sippuisinnaatitaanerup 100 mio. koruuninik qaffanneratigut Mittarfeqaarfiit suliffeqaarfiup ingerlaannarnissaa qulakkeerniarlugu akiliisinnaatitaanermik pisariaqartinneqartumik atuisinnaalissapput.

Oqaasertaliussaq AI 2019-imit iluarsineqarluni ingerlateqqitaavoq.”

**Ilanngussaq** – Kontomut pingaarnermut 20.10.11 Erniat ilanngaaseriikkat oqaasertaliussat kiisalu oqaaseqaatit

Aningaasaqarnermut Akileraartarnermullu Ataatsimiititaliamit ulloq xx-yy-2020-mi akuerineqartoq, suliaq normu 20-xxx.



INATSISARTUT

**Aningaasaqarnermut Aatsitassanullu  
Naalakkersuisoq**

**Ulloq:** 11. april 2020  
**J.nr.:** 01.31.06/20-00873

**Aningaasaqarnermut Akileraartarnermullu Ataatsimiititaliap pingasunngornermi  
ulloq 8. april 2020-mi aalajangiineranik Naalakkersuisunut ilisimatitsineq.**

**Mittarfeqarfiit Nunap Karsiani sippuisinnaatitaaneranik qaffaanissaq pillugu ilassuti-  
tut aningaasaliissutissanut tunngatillugu qinnuteqaat. – Suliaq nr. 01.31.06/20 – 00873.  
Nukingiussaq**

Naalakkersuisut inassutigaat:

- 2020-mut ilassutitut aningaasaliissutininut inatsissatut siunnersuummut ilanngussaq ilaliunneqartoq naapertorlugu oqaasertaliussaq kontomut pingaarnermut 20.10.11 Erniat ilanngaaseriikkat, ilanngunneqassasoq.”

**Aningaasaqarnermut Akileraartarnermullu Ataatsimiititaliap oqaaseqaatai  
apeqqutaalu:**

Suliami aalajangiinerminut matuma kingulianiittumut atatillugu apeqqutit oqaaseqaatillu matuma kingulianiittut sapinngisamik piaartumik akineqarnissaat ataatsimiititaliap kissaa-tigaa.

**Apeqquut 1:**

Aningaasat sumut atorineqarnissaat paasissutissiissutigineqassasoq ataatsimiititaliamit kissaatigineqarpoq.

Mittarfeqarfiit nunatta karsianit tiguisinnaatitaanerannik annertuumik qaffaaneeq nunatta karsiaata naatsorsuutaanut aammalu Mittarfeqarfinnut aningaasanut inatsimmi aningaasaliis-sutaasunut qanoq sunniuteqartussatut naatsorsuutigineqarnermoq paasissutissiissutigine-qassasoq ataatsimiititaliamit kissaatigineqarpoq.

Mittarfeqarfiit ingerlataasa malunnaatilmik ikileriarnerat Mittarfeqarfiit siunissami aningaasaqarnerannut qanoq sunniuteqartussatut naatsorsuutigineqarnermoq paasissutissiis-sutigineqassasoq ataatsimiititaliamit kissaatigineqarpoq.

**Apeqquut 2:**

Coronap ajornartorsiortitsinerata kingorna pissutsit pillugit Naalakkersuisut qanoq isuma-liuteqarnermut paasissutissiissutigineqassasoq ataatsimiititaliamit kissaatigineqarpoq.

Suliaq matumani pineqartoq iluarsiiissuteqarfigineqarqullugu suliniutit ungasissumut isigisut suut Naalakkersuisunit aallartinneqartussatut naatsorsuutigineqarpat?

**Apeqquut 3:**

Mittarfeqarfiit taarsigassarsiaasa amerlineqartut utertillugit akilersorneqarnissaannut tunnga-tillugu Naalakkersuisut naatsorsuutigisaasa paasissutissiissutigineqarnissaat ataatsimiitita-liamit kissaatigineqarpoq.



**Apeqquut 4:**

Coronap ajornartorsiortitsinerata, taamaalillunilu ingerlatat annertuumik ikilineqarnissaanik naatsorsuutiginninnerup, naatsorsuutigisamit sivisunerusinnaanera, taamaalillunilu annertunerujussuarmik kinguneqarsinnaanera Naalakkersuisunit qanoq sillimaffiginiarneqarner-soq paasissutissiissutigineqassasoq ataatsimiititaliamit kissaatigineqarpoq.

**Apeqquut 5:**

Mittarfeqarfiit ingerlataminnik annikillisitsinerat angalasunut pitsaanngitsumik kinguneqassasoq ataatsimiititaliamit neriutiginneqanngilaq. Ingerlatat annikillisinneqarnerat billetsit akiinut kinguneqartinneqartussatut naatsorsuutigineqarner-soq ataatsimiititaliamit paasiuma-neqarpoq.

Suliap matuma nukinginnartuunera pissutigalugu sapaatip akunnerata tulliani piaartumik siunersiuinissamat aggersaanissaq ataatsimiititaliamit siunertarineqarpoq, tamatumani kissaatigineqarluni coronap ajornartorsiortitsinerata aningaasaqarnikkut kingunerisinnaasaasa paasinarsisinneqarnissaat immikkut siunertaralugu itisilerutaamik ilisimatinneqarnissaq.

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni apeqquteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Uunga: Inatsisartut Aningaasaqarnermut Akileraartarnermullu Ataatsimiititaliaat  
Att.: Sakarias Amondson

**Mittarfeqarfiit Nunatta Karsiani sippuisinnaatitaanerani qaffaanissaq pillugu  
Aningaasaqarnermut Akileraartarnermullu Ataatsimiititaliaap – ilassutitut  
aningaasaliissut pillugit suliamut 20-873-imut atatillugu apeqqutaanut akissut**

Brevdato: 16-04-2020  
Sags nr. 2020 - 6154  
Akt id. 13543505

Mittarfeqarfiit Nunatta Karsiani sippuisinnaatitaanerani qaffaanissaq pillugu ilassutitut aningaasaliissutitut suliap 20-873-ip suliarineqarnerani Aningaasaqarnermut Akileraartarnermullu Ataatsimiititaliaap apeqqutigisaa allakkani ukunani akissuteqarfigineqarpoq.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**Apeqquut 1:**

Aningaasat sumut atorineqarnissaat paasisutissiissutigineqassasoq ataatsimiititaliamit kissaatigineqarpoq.

Mittarfeqarfiit nunatta karsiani tiguisinnaatitaanerannik annertuumik qaffaanis nunatta karsiata naatsorsuutaanut aammalu Mittarfeqarfinnut aningaasanut inatsimmi aningaasaliissutaasunut qanoq sunniuteqartussatut naatsorsuutigineqarnerisooq paasisutissiissutigineqassasoq ataatsimiititaliamit kissaatigineqarpoq.

Mittarfeqarfiit ingerlataasa malunnaatilimmik ikileriarnert Mittarfeqarfiit siunissami aningaasaqarnerannut qanoq sunniuteqartussatut naatsorsuutigineqarnerisooq paasisutissiissutigineqassasoq ataatsimiititaliamit kissaatigineqarpoq.

**Akissut:**

Nunatta iluani aammalu nunanut allanut pisariaqavitsillugu timmisartuussisarneq maanna annikilleriarnat mittarfinni heliportinilu tamani suliat ikilerujussuarnerat Mittarfeqarfiit malugaat. Tamanna isumaqarpoq Mittarfeqarfiit isertitaat ikileriarujussuarsimasut. Pissutsit taamaannerat qaangiuttussaavoq, timmisartoqqusinninnerlu atorunnaarsinneqarpat ilimagineqartariaqarpoq Mittarfeqarfinni suliaqassuseq pissusissamisooqqilerumaartoq. Taamaattumik ingerlatat maanna ikileriarnertat Mittarfeqarfiit siunissami aningaasaqarnerannut annertuumik sunniuteqarnissaa ilimagissallugu tunngavissaqanngilaq.

Nunatta Karsiata naatsorsuutai eqqarsaatigalugit konto pingaarnep 20.10.11-p, llanngaaseereerluni ernianut tunngasup ataani angusanut piviusunngortinneqartunut sunniuteqartumik allannguuteqartoqassanngilaq. Taamaattorli sippuisinnaatitaanermik qaffaassummik atuinerup Nunatta Karsiata aningaasaatai tigorianaanaat amerlaqataannik ikileriassapput. Aningaasat Mittarfeqarfiit nalinginnaasumik ingerlanneqarnerannut atorineqassapput, tassa mittarfiit ammatinneqarneranni il.il. aningaasartuutit ingerlatat annertunerisumik apeqqutaanngimmata. Taamaattumik pissutsit imaapput isertitaqarunnaartoqaraluartoq aningaasartuutit ataatsimut isigalugu allannguuteqarnatik.

**Apeqquut 2:**

Coronap ajornartorsioritsinerata kingorna pissutsit pillugit Naalakkersuisut qanoq isumaliuteqarnerisut paasisutissiissutigineqassasoq ataatsimiititaliamit kissaatigineqarpoq.

Suliaq matumani pineqartoq iluarsiiisuteqarfigineqaqqullugu suliniutit ungasissumut isigisut suut Naalakkersuisunit aallartinneqartussatut naatsorsuutigineqarpat?

Akissut:

Coronap ajornartorsiortitsinerani aningaasaqarnikkut sunniutit tamarmiusut eqqarsaatigalugit taakku pillugit Naalakkersuisut isummernissamut tunngavissiaat ulloq 14. april 2020 Naalakkersuisunit oqaluuserineqartussa, tamatumalu kingorna Naalakkersuisut akuersinerisigut ataatsimiititaliamut ilisimatitsissutitut ingerlatinneqartussa innersuussutigineqarpoq.

Mittarfeqarfinnili aaqqissuussaannikkut ajornartorsiortoqarpoq, Mittarfeqarfiit Nunatta Karsianut akiitsuminnik akilersuisinnaaneraniq periarfissaqartitsigunangitsunik. Taamaattumik siunissami aningaasanik amerlanernik pilersuisariaqarnissaq ilimanaateqarpoq. Mittarfeqarfiit aaqqissuussaannikkut ajornartorsilutaasa qanoq annertutiginerat aammalu ikiorserneqarnissaannut periarfissat Naalakkersuisunit maannangaaq inaarutaasumik ilisimaneqanngilaq.

**Apeqqu 3:**

Mittarfeqarfiit taarsigassarsiaasa amerlineqartut utertillugit akilersorneqarnissaannut tunngatillugu Naalakkersuisut naatsorsuutigisaasa paasissutissiissutigineqarnissaat ataatsimiititaliamit kissaatigineqarpoq?

Akissut:

Apeqqu 1 aamma 2-p ataani allassimasut inussiarnersumik takoqquneqarput.

**Apeqqu 4:**

Coronap ajornartorsiortitsinerata, taamaalillunilu ingerlatat annertuumik ikilineqarnissaannik naatsorsuutiginninnerup, naatsorsuutigisamit sivilisunerusinnaanera, taamaalillunilu annertunerujussuarmik kinguneqarsinnaanera Naalakkersuisunit qanoq sillimaffiginiarneqarnersoq paasissutissiissutigineqassasoq ataatsimiititaliamit kissaatigineqarpoq?

Akissut:

Isummernissamut tunngavissiaq apeqqu 2-p ataaniittoq ulloq 14. april 2020-mi Naalakkersuisunit oqaluuserineqartussatut naatsorsuutigineqartoq, tamatumalu kingorna Naalakkersuisut akuersinerisigut ataatsimiititaliamut ilisimatitsissutitut ingerlatinneqartussa Naalakkersuisunit innersuussutigineqarpoq.

**Apeqqu 5:**

Mittarfeqarfiit ingerlataminnik annikillisisinerat angalasunut pitsaanngitsumik kinguneqassasoq ataatsimiititaliamit neriuutigineqanngilaq. Ingerlatat annikillisinneqarnerat billetsit akiinut kinguneqartinneqartussatut naatsorsuutigineqarnersoq ataatsimiititaliamit paasiumaneqarpoq?

Akissut:

Maannakkorpiaq angalasoqanngilaq, tamannali Mittarfeqarfinni pissutsinut attuumassuteqanngilaq.

Billetsit akiisa suliallu matuma akornanni imminut ataqatigiittoqarsorinangilaq. Soorunami mittarfeqarfinnut akitsuutit – aammalu taamaalilluni Mittarfeqarfiit isertitaat – tassaapput

Mittarfeqarfiit aaqjissuussaankkut ajornartorsiutaasa aaqqiivigineqarnissaannut atatillugu uuttuutitut atorneqarsinnaasut. Suliassaqarfimmilu tamatumani maannangaaq aalajangersimasunik pilersaaruteqartoqanngilaq.

Ataatsimiititaliaq aaqqiissutissatut aalajangersimasunik siunnersuutissaqaruni, tassungalu ilanngullugu assersuutigalugu bilitsit akiisa qaffaavigineqarsinnaanerat pillugu siunnersuutissaqaruni isumassarsiat allat assigalugit taakku Naalakkersuisunit soorunami isumaliutigineqarusupput.

Inussiarnersumik inuulluaqqusillunga



Vittus Qujaukitsoq



INATSISARTUT

## **Aningaasaqarnermut Aatsitassanullu Naalakkersuisoq**

Ulloq: 15. maj 2020  
J.nr.: 01.31.06/20-00879

### **Aningaasaqarnermut Akileraartarnermullu Ataatsimiititaliap sisamanngornermi ulloq 14. maj 2020-mi aalajangiineranik Naalakkersuisunut ilisimatitsineq.**

**Konto pingaarnermi 87.73.12 Umiarsualivinnut talittarfinnullu aningaasaleeqqin-  
nernit, Uummannami umiarsualiveqarnermut, betonngimillu talittarfiliortoqarnissaa-  
nut/niusarfiliortoqarnissaanut ineriartortitsinissami suliniummut missingersuutinut  
sunniuteqanngitsunik nuussineq. – Suliaq nr. 01.31.06/20 – 00879.**

”Naalakkersuisut inassutigaa,

- Konto pingaarnermi 87.73.12 Umiarsualivinnut talittarfinnullu aningaasaleeqqin-  
nerni suliaq nr. 996.24.128 Sanaartugassanut nutaanut aningaasaliissutit 2020-mi  
33,1 mio. koruuninik appartinneqassasut, suliamilu nr. 150.24.131 Uummannami  
umiarsualiveqarnermut aningaasaliissutit 2020-mi 33,1 mio. koruuninik qaffanne-  
qassasut kiisalu
- Konto pingaarnermi 87.73.12 Umiarsualivinnut talittarfinnullu aningaasaleeqqinner-  
ni suliaq nr. 996.24.122 Umiarsualivinnut pilersaarutinut aningaasaliissutit 2020-mi  
1,3 mio. koruuninik appartinneqassasut, suliamilu nr. 996.24.136 Ilaasunut talittar-  
filianut/niusarfilianut aningaasaliissutit 2020-mi 1,3 mio. koruuninik qaffanneqassa-  
sut.”

### **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Inuit Ataqtigiit suliap uuma suivisuumik utaqqineqarsimasup kiisami naammassineqarnera  
qujarullugu akuerseqataaffigaat.

Suliamut akuerseqataajutigaluta, erseqqissarumavarput suliamut uunga assingulluinnartoq  
piffisamilu suliasanngorteqatigisimasaa, tassalu Kangaatsiami atuarfissaq, sulianik assigi-  
inngisitsisumik ingerlatsisoqassanngimmat maanna aaliangikkatsinnut assingusumik aamma  
aaqqivigineqartariaqartoq isumaqaratta..

**Aningaasaqarnermut Akileraartarnermullu Ataatsimiititaliap aalajangiinera**  
Siuliani allassimasutut oqaaseqaateqarluni apeqquteqarlunilu Naalakkersuisut inassute-  
qaataat Aningaasaqarnermut Akileraartarnermullu Ataatsimiititaliamit **akuereqarput.**

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Uunga: Inatsisartuts Aningaasaqarnermut Akileraartarnermullu Ataatsimiititaliaat  
Att.: Sakarias Amondson

Ilanngussaq  
Bilag

Naalakkersuisut Siulittaasuat, Kim Kielsen ullumi (6. maj 2020) ima aalajangiivoq:

**Konto pingaarnermit 87.73.12 Umiarsualivinnut talittarfinnullu aningaasaleeqqinnernit, Uummannami umiarsualiveqarnermut, betonngimillu talittarfiliortoqarnissaanut/niusarfiliortoqarnissaanut ineriartortitsinissami suliniummumut missingersuutitut sunniteqanngitsunik nuussineq.**  
(Ineqarnermut Attaveqaqatigiinnermullu Naalakkersuisoq)

06-05-2020

P. O. Box 1037

3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Naalakkersuisut Siulittaasuat aalajangerput:

- Tulliuttumi inassuteqaatit Aningaasaqarnermut Akileraartarnermullu Ataatsimiititaliaamit akuersissanngorlugit, piaartumillu suliarineqarnissaat piumasaralugu ingerlateqqinneqarnissaat, Naalakkersuisut akuersissutigissagaat:

**"Naalakkersuisut inassutigaa,**

- Konto pingaarnermi 87.73.12 Umiarsualivinnut talittarfinnullu aningaasaleeqqinnerni suliaq nr. 996.24.128 Sanaartugassanut nutaanut aningaasaliissutit 2020-mi 33,1 mio. koruunik appartinneqassasut, suliamilu nr. 150.24.131 Uummannami umiarsualiveqarnermut aningaasaliissutit 2020-mi 33,1 mio. koruunik qaffanneqassasut kiisalu
- Konto pingaarnermi 87.73.12 Umiarsualivinnut talittarfinnullu aningaasaleeqqinnerni suliaq nr. 996.24.122 Umiarsualivinnut pilersaarutitut aningaasaliissutit 2020-mi 1,3 mio. koruunik appartinneqassasut, suliamilu nr. 996.24.136 Ilaasunut talittarfilianut/niusarfilianut aningaasaliissutit 2020-mi 1,3 mio. koruunik qaffanneqassasut."

Taamaalilluni inassut Inatsisartut Aningaasaqarnermut Akileraartarnermullu Ataatsimiititaliaannut nassiunneqarpoq. Naalakkersuisut isummernissaannut tunngavissiap assilineri ilanngussallu assilineri ilanngunneqarput.

Inussiarnersumik inuulluaqqusillunga

Vittus Qujaukitsoq

## **Ineqarnermut Attaveqaqatigiinnermullu Naalackersuisoqarfik**

06-05-2020

Suliaq normu: 2019 - 1073

Ullormut oqaluuserisassaq: \_\_\_\_\_

## **Naalackersuisut isummernissaannut tunngavissiaq**

**Konto pingaarnermi 87.73.12 Umiarsualivinnut talittarfinnullu aningaasaleeqqinnernit, Uummannami umiarsualiveqarnermut, betonngimillu talittarfiliortoqarnissaanut/niusarfiliortoqarnissaanut ineriartortitsinissami suliniummut missingersuutinut sunniuteqanngitsunik nuussineq.**

### **Inassuteqaat**

Ineqarnermut Attaveqaqatigiinnermullu Naalackersuisup **inassutigaa,**

- Tulliuttumi inassuteqaatit Aningaasaqarnermut Akileraartarnermullu Ataatsimiititaliamit akuerisassanngorlugit, piaartumillu suliarineqarnissaat piumasaralugu ingerlateqqinneqarnissaat, Naalackersuisut akuersissutigissagaat:

### **”Naalackersuisut inassutigaa,**

- Konto pingaarnermi 87.73.12 Umiarsualivinnut talittarfinnullu aningaasaleeqqinnerni suliaq nr. 996.24.128 Sanaartugassanut nutaanut aningaasaliissutit 2020-mi 33,1 mio. koruuninik appartinneqassasut, suliamilu nr. 150.24.131 Uummannami umiarsualiveqarnermut aningaasaliissutit 2020-mi 33,1 mio. koruuninik qaffanneqassasut kiisalu
- Konto pingaarnermi 87.73.12 Umiarsualivinnut talittarfinnullu aningaasaleeqqinnerni suliaq nr. 996.24.122 Umiarsualivinnut pilersaarutinut aningaasaliissutit 2020-mi 1,3 mio. koruuninik appartinneqassasut, suliamilu nr. 996.24.136 Ilaasunut talittarfilianut/niusarfilianut aningaasaliissutit 2020-mi 1,3 mio. koruuninik qaffanneqassasut.”

### **Aallaqqaasiut**

Konto pingaarnermi 87.73.12 Umiarsualivinnut talittarfinnullu aningaasaleeqqinnemi tulliuttumi suliat akornanni missingersuutitut sunniuteqanngitsumik nuussinissat Aningaasaqarnermut Akileraartarnermullu Ataatsimiititaliamit akuersissutigineqarnissaat, Naalakkersuisut isummernissaannut tunngavissiami matumani akuersissutigineqassasoq qinnutigineqarpoq. Uummannami umiarsualiveqarnermut kiisalu ineriartortitsinissami suliniutaalluni Nunatsinni betonngimit talittarfinnut/niusarfinnut sanaartornissamut aningaasaliissutit aningaasaliissutigineqarnissaat siunertaavoq.

Umiarsualiviit pioreersut ineriartortinneqarnissaannut allilernerqarnissaannullu kiisalu umiarsualivinnik nutaanik sanaartornissat pillugit Umiarsualivinnut pilersaarutini tulleriaarineq naapertorlugu aningaasartuutissat, konto pingaarnermi 87.73.12 Umiarsulivinnut talittarfinnullu aningaasaliissutitigut matussuserneqassapput.

Nappaatip tunillaassuuttup COVID-19-ip aningaasatigut kingunerisinnaasai pillugit Naalakkersuisut isummernissaannut tunngavissiaq 2020-mi apriliip 14-imeersoq naapertorlugu, Sanaartornermut aserfallatsaaliinissamullu aningaasaliissutit siunnerfilimmik atorneqarnissaat pillugu tunngavissat suliani malinneqarput.

Aningaasaliissutit siunertamut aningaasaliissutigineqarnerisigut suliffissaqartitsiniarnermut pitsaasumik sunniuteqassaaq, tamannalu nappaatip tunillaassuuttup COVID-19-ip kingunerisaanik aningaasaqarnikkut kinguariartorneq eqqarsaatigalugu immikkut naleqquttutut nalilerneqarluni. Taamaalilluni nappaatip tunillaassuuttup aningaasaqarnermut sunniuteqarnerlunnerata kingunerisaanik karsimik misissuinerneq atattillugu, sanaartornissami aningaasaliissutit siunertamut ataatsimut aningaasaliissutigineqartunut ilaasutut, isummernissamut tunngavissiaq manna isigineqassaaq.

#### *Suliat pineqartut:*

##### Suliaq nr. 996.24.128 Sanaartugassat nutaat:

Umiarsualiveqarnermi nutaanik sanaartugassanut sillimmatissatut suliaq pilersinneqarpoq. Aningaasaliissutit marlunnut avillugit aningaasaleeriaaseq suliami malinneqarpoq. Taamaalilluni suliaq suliariumannittussarsiuunneqareertillugit aningaasaliissutissat aningaasaliissutigineqassapput. Kontomi pingaarnermi matumani suliaq pilersaarusiorneqarnerisa naammassineqarnerat ilutigalugu, sanaartugassanut nutaanut aningaasaliissutissatut pisariaqartinneqartut aningaasaliissutigineqarsimanissaat, AI2020-mi aningaasaliissutit qaffanneqarnerisigut qulakkeerneqarpoq.

##### Suliaq nr. 150.24.131 Uummannami umiarsualiveqarneq:

Uummannami umiarsualiviup pilersaarusiornigineqarnissaanut siusinnerusukku 1,0 mio. koruunit aningaasaliissutigineqarnikuupput. Aningaasaliissutit marlunnut avillugit aningaasaleeriaaseq naapertorlugu suliaq suliariumannittussarsiuussinermi angusat pigineqaleriapata, sanaartornissamut aningaasaliissutissat aningaasaliissutigineqassapput. Pilersaarusiorneq naammassineqareerpoq, 2020-milu apriliip 15-iani suliariumannittussarsiuussisoqareerluni.



Suliaq nr. 996.24.128 Sanaartugassat nutaanit suliamut matumunnga missingersuutitut sunniuteqanngitsumik nuussinissaq, Aningaasaqarnermut Akileraartarnermullu Ataatsimiititaliamit akuersissutigineqassasoq qinnutigineqarpoq.

Suliaq nr. 996.24.122 Umiarsualivinnut pilersaarutit:

Umiarsualivinnut pilersaarutini suliasat piviusunngortinneqarnissaannut kiisalu umiarsualiveqarnermi periusissiaqarluni sulisoqarnissaanut aningaasaliissutit tunngavissiissapput. Illoqarfinni nunaqarfinnilu tamani talittarfeqarnikkut inuiaqatigiinnut pisussaaffimminnik Namminersorlutik Oqartussat ingerlatsiinnassasut, Umiarsualivinnut pilersaarutitigut ersersinneqarpoq. Taamaalilluni issittumut naleqqussakkanik ullutsinnut naleqquttunik ilaasunut betonngimit nunatsinni talittarfiliortoqarnissaa/niusarfiliortoqarnissaa qulakkeerneqarsinnaalluni, ineriartortitsinissami suliniutip aallartinneqarnissaa qitiuvoq. Talittarfinnik/niusarfinnik avataanit tikisitsisarnermi nassiunneqarnerini aningaasartuutit qaffasissut, nunatsinni betonngimit talittarfiliortoqartalerneqarpatigut/niusarfiliortoqartalerneqarpatigut pinngitsoortinneqarsinnaammata, umiarsualivinnut tunngatillugu siunissami aningaasatigut atuilluarnermik kinguneqarnissaa anguniarneqarpoq.

Suliaq nr. 996.24.136 Ilaasunut talittarfiliat/niusarfiliat:

Kujataani kiisalu Qeqertarsuup Tunuani sumiiffiit ilaanni ilaasunut talittarfinnik /niusarfinnik pitsanngorsaanermi, nutarterinermilu aningaasartuutissat suliatigut aningaasartuutigineqassapput. Angalasunut atugassarititaasut pitsanngorsarneqarlutik, sumiiffinni pineqartuni tinittarnera ulittarneralu malillugit majuartarfinnik, ilaasunulluunniit talittarfinnik/niusarfinnik sanaartortoqassaaq.

Suliaq nr. 996.24.122 Umiarsualivinnut pilersaarutinit suliamut matumunnga missingersuutitut sunniuteqanngitsumik nuussinissaq, Aningaasaqarnermut Akileraartarnermullu Ataatsimiititaliamit akuersissutigineqassasoq qinnutigineqarpoq.

**Tunngavigisaq**

Suliaq nr. 150.24.131 Ummannami umiarsualiveqarneq:

Ummannami najukkami siunnersuisoqatigiit, Avannaata Kommuniata kiisalu Ineqarnermut Attaveqatigiinnermullu Naalackersuisoqarfiup 2018-imi oktobarip 11-ani aalajangerpaat, Ummannap umiarsualiviani atugassarititaasussat nutaat tulliuttut pilersaarusiortulugit aallartinneqassasut:

- Umiatsiaaqqat malinnut illersorniarlugit Kangerloqqissumi oqquiffissatut nunniugassaaq.
- Umiarsuaaqqat talittarfiata ullutsinnut naleqquttumik itissusilerneqarnissaa qulakkeerlugu, talittarfiup piusup allilerneqarnissaa.
- Qeqertannuami inissivissamat, sanaartortoqarnissaanullu qaqqajunnamik qaartitsineq.

Suliamut atatillugu Pammarsuarnut usingiaasarfitoqqap nutarterneqarnissaa pillugu periarfissatut neqeroortitsisoqarpoq, umiarsualivimmimi nutaanik sanaartornermut tapertaliullugu Pammarsuanut usingiaasarfitoqqap nutarterneqarpat annertuumik

sipaarteqartoqarsinnaammat. Tassunga ilanngullugu minnerunngitsumik 2017-imi Karrat Kangerluani ajunaarnersuaqarnerata kingorna innuttaasut amerlinerisa kingunerisaanik Palammarsuarnut usingiaasarfitoqaq illoqarfimmut iluaqutaammat, soorlutaaq oqaluttuarisaanermik tunngaveqartutut nalilerneqartoq.

Sulissat aasarnut aallartittussanngorlugit, 2020-llu naanerani naammassineqartussanngorlugit neqeroortitsisoqareerlunilu suliariumannittussarsiuussisoqareerpoq. Suliassanut neqeroorutit marluk tiguneqarput, inatsisilerituullu naliliilluareernerisa kingorna akikinnerpaamik neqerooruteqartoq akuerineqarsinnaanngitsutut nalilerneqarluni. Tamanna neqooruteqartup piffissaliussarnut tunngatillugu nangaassuteqarnerata nalilerneqarsinnaannginnera tunngavigineqarpoq. Taamaalilluni sanatitsisoq neqeroorutigineqartumik itigartitsinissaminut pisinnaatitaaffeqarpoq, qularnanngitsumillu pisussaaffeqarluni. Neqeroorutineqartoq itigartinneqarpat kinguneqaataasinnaasut inatsisitigut naliliinermi aamma ersarissarneqarput. Kinguneqaataasinnaasooq annikissasooq nalilerneqarpoq, Namminersorlutik Oqartussallu taarsiissuteqartussanngortitaanissaa ajornakusuussasooq aamma nalilerneqarluni. Inatsisitigut naliliineq tamakkiisooq ilanngussaq 1-itut ilanngunneqarpoq.

Suliassanut tamakkiisumik missingersuut A 33,1 mio. koruuniuvoq, tamannalu suliassanut missingersuut B-mut 36,3 mio. koruuninik aningaasartaqartumut sanilliullugu 3,2 mio. koruuninik appasinnerulluni. Taakkunannga periarfissatut Palammarsuarnut usingiaasarfitoqqap nutarterneqarnissaanut 0,8 mio. koruunit immikkoortinneqarput.

Tamanna, suliassallu piaartumik aallartinneqartariaqarneri tunuliaqutaralugit, isumaqatiginninniarnermi inaarutaasumik angusat aallaavigalugit nuussisoqasasooq qinnutigineqarpoq. Matumani COVID-19-ip atuunnerani suliassat qanoq annertutigisut ingerlanneqarnissaattut kissaatigineqartumut, suliassat taakku tapertaasinnaanerat aamma eqqarsaatigineqarpoq.

Tassunga tunngatillugu oqaatigineqassaaq, Uummannami Umiarsuaaqqat talittarfiata allilerneqarnissaanut tunngatillugu ASN, 2020-mi juunip qulingani kingusinnerpaamik akissuteqarnissamut killilerlugu tamanut tusarniutigineqarmat, tusarniutigineqarneralu naappat oqaaseqaatit tiguneqartut suliarineqassapput, Naalakkersuisuniillu inaarutaasumik akuersissutigineqarnissaanut saqqummiunneqassalluni.

Suliariumannittussarsiuussinissaq sioqqullugu, ASN nalinginnaasumik inaarutaasumik akuersissutigineqartarpoq. Umiarsualivimmili atugassarititaasut 2020-mi sanaartorneqarnissaat politikkikkut kissaatigineqarnera patsisaalluni, Uummannamut nassiussanik assartuineq eqqarsaatigalugu suliariumannittussarsiuussinissaq pilersaarusiorneqartariaqarsimavoq. Tassunga atatillugu ilungersuullugu anguniarneqaraluartoq, suliariumannittussarsiuussinissaq sioqqullugu ASN Naalakkersuisunit akuerineqartussanngorlugu saqqummiunneqarsinnaasimanngilaq.

Umiarsualivimmi sanaartornissami piareersaanissaq aallartissinnaaqullugu, ASN inaarutaasumik akuersissutigineqartinnagu aningaasanik nuussisoqartariaqarpoq.

Taamaakkaluortoq sumiiffiit ASN-imi pineqartut, ASN inaarutaasumik akuersissutigineqareerpat aatsaat aallartinneqarsinnaassapput. Pilersaarutit malillugit qernertanik qilalugarniarneq ammartinnagu immap naqqani suliassat naammassineqareertussaammata, tusarniaanermi akissuteqarnissamut piffissarititaasoq naappat, ASN piaartumik suliarineqarluni akuersissutigineqartariaqarpoq.

ASN suli akuerineqanngitsoq aningaasanik nuussisoqanngippat, suliassaq ukioq manna suliarineqarsinnaassanngilaq.

Suliaq nr. 996.24.136 Ilaasunut talittarfiliat/niusarfiliat:

Isumannaatsunik, atoruminartunillu nuna tamakkerlugu talittarfiliortoqarnissaa/niusarfiliortoqarnissaa pisariaqaleraluttuinnarpoq. Taamaattumik avataanit tikisitsinermigut Namminersorlutik Oqartussat ukiuni kingullerni talittarfinnik/niusarfinnik nutaanik sanaartortitsinikuuvoq. Qisunnit puttasunit taakku atasinnaanerusut paasinarsivoq. Taamaakkaluortoq betonngimit talittarfiliat/niusarfiliat avataanit tikisinnerini aningaasartuutit qaffasippat, talittarfiliamullu/niusarfiliamullu ataatsimut aningaasartuutit 150.000 koruunit 250.000 koruunillu akornanniilluni.

Ullutsinnut naleqquttunik talittarfinnik/niusarfinnik Kalaallit Nunaanni pisariaqartitsineq annertummat, Kalaallit Nunaanni silap pissusaanut, silamut, sikusarneranullu naleqqussarneqartuarsinnaasunik, avataaniillu tikisitsilluni aningaasartuuteqartoqartarunnaaneratigut siunissami aningaasatigut atuilluartumik kinguneqartussamik, nunatsinni betonngimit talittarfiliortoqarsinnaanissaanut/niusarfiliortoqarsinnaanissaanut ineriartortitsilluni suliniummik aallartitsinissani naalackersuisoqarfiup kissaatigaa.

Ilulissani umiarsualiviup qinnguani innuttaasunut takornarissanullu nutaanik talittarfiliortoqarnissaa/niusarfiliortoqarnissaa pisariaqartinneqarmat, ineriartortitsinissami suliniut tassani ineriartortinneqassaaq. Ineriartortitsinissamik suliniut naammassippat nunatsinni sumiiffinni entreprenørit misilittakkanik atuisinnaaqullugit, suliniummi atortut tamanut saqqummiunneqassapput.

Suliassanut aningaasaliissutaareersut (2,85 mio. koruunit) Qaqortumut (tinittarnera ulittarneralu malillugit majuartarfinni talittarfinnik/niusarfinnik ikkussuinissamut), Alluitsup Paanut (tinittarnera ulittarneralu malillugit majuartarfiliornissamut) kiisalu Qassiarsummut (tinittarnera ulittarneralu malillugit majuartarfinnik iluarsartuussinissamut qajannaallisaanissamullu) immikkoortinneqarput.

”2020-mi marsip 12-iani Naalackersuisunut ilisimatitsissut”-mmi nassuiaatigineqartutut, umiarsualivinnut tunngatillugu aningaasartuutissat annertunersaat suliniutinik aallarnisaanermut kiisalu maskinanik atortussanillu assartuinnermut tunngassuteqarmata, Kujataani atugassarititaasut 2020-mi suliarineqarnissaasa salliunneqarnissaannut tunuliaqutaavoq. Umiarsualivinnut pilersaarutit naapertorlugit Namminersorlutik Oqartussat

Kujataani umiarsualivinnik 2020-mi nutarterisussaamat, aningaasaqarneq eqqarsaatigalugu Kujataani talittarfiit 2020-mi salliunneqarunik iluaqutaanerussaaq.

Betonngimik talittarfiliassat/niusisarfiliassat pillugit ineriartortitsinissamik suliniummik Ilulissani aallartitsinikkut, 2020-mi Qeqertarsuup Tunuani talittarfinnik/niusarfinnik nutaanik aamma pilersitsisoqassaaq.

### **Aningaasatigut kingunerisinnaasai**

Konto pingaarnermi 87.73.12 Umiarsualivinnut talittarfinnullu aningaasaleeqqinnernit aningaasaliissutinik nuussinissat mio. koruuninngorlugit takussusiornera:

<b>Suliap normua</b>	<b>Suliap taaguutaa</b>	<b>2020</b>	<b>Katillugit</b>
996.24.128	Sanaartugassat nutaat	-33,1	-33,1
150.24.131	Uummannami umiarsualiveqarneq	33,1	33,1
996.24.122	Umiarsualivinnut pilersaarutit	-1,3	-1,3
996.24.136	Ilaasunut talittarfiliat/niusarfiliat	1,3	1,3
	<b>Nikingassutaa</b>	<b>0,0</b>	<b>0,0</b>

Nunap karsianut aningaasatigut kingunissaqanngilaq.

### **Attaveqaaqatigiinneq**

ASN eqqarsaatigalugu suliap qiteqqunnerani piffissaliussat malinneqarnissaat ilanngullugit suliassamut piffissaliussaq naammassisinnaaqqullugu, isummernissamut tunngavissiaq manna piaartumik suliarineqartariaqarpoq.

### **Tusarniaaneq**

Isummernissamut tunngavissiaq manna Aningaasaqarnermut Naalakkersuisoqarfimmut tusarniutigineqarpoq. Tusarniummut akissuteqaat tiguneqarpoq, isummernissamullu tunngavissiami matumani ilaatinneqarluni.



Karl Frederik Danielsen



Ruth Lindhardt

### **Ilanngussaq**

Ilanngussaq 1 – Inatsisitigut naliliineq

Ilanngussaq 2 - Konto pingaarnermut 87.73.12 Umiarsualivinnut talittarfinnullu aningaasaleeqqinnernut missingersuutitut ilanngussaq

28. april 2020  
J.nr. 1215627  
NHD/eo

## INATSIITIGUT NALILINNEQ

### UMIARSUALIVIUP ALLILERNEQARNISSAA PILLUGU NEQEROORTITSINEQ

#### COVID-19 PILLUGU NANGAASSUTIT

MT Højgaard Grønland ApS-ip Covid-19 pillugu nangaassutitaqartumik neqeroorutaanik Sanaartornermut Immikkoortorta qarfik itigartitsinissaminut pisussaaffeqarnerseq, periarfissatullu pisinnaatitaaffeqarnerseq, nalileeqqullunga Namminersorlutik Oqartussat, Sanaartornermut Immikkoortorta qarfiup piumaffigaanga.

#### Pineqartoq

Uummannami umiarsualiviup allilerneqarnissaanut tunngatillugu MT Højgaard Grønland ApS, 2020-mi apriliip 15-lani neqerooruteqarpoq.

Neqeroorummut allakkani ilaliussani, neqerooruteqarnermilu immersugassami "Nangaassuteqarsinnaaneq"-mi MT Højgaard Grønland ApS tulliuuttut allassimavoq:

*"Corona-virusi (Covid-19) pillugu inuiaqatigiinni qanoq iliuuseqartoqassanersaq, neqerooruteqarnerup nalaani iluamik ilisimaneqanngilaq. Paasissutissiissutigisinnaavarput, piffissaq eqqarsaatigalugu pisumit sunnerteqqalluni, suliaassat suliarineqarnissaannut imaluunniit pilersaaruserfigineqarnissaannut tunngasunik neqeroortitsinermi erseqqissumik ilisimasaqannginnatta, soorlutaaq kinguaattoortoqarsinnaanera pillugu suliaassat ilaannit suliaqartussanit (underentreprenørit), tuniniaasuniillu paasissutissanik erseqqissunik suli tigusaqanngitsugut. Taamaakkaluartoq pisoq ullormit ullormut allanngorsinnaammat aamma nassuerutigisariaqarparput, tamannalu tunuliaqutaralugu eqqortumik ingerlasoqarnissaa pillugu paasissutissiissutigissavarput, suliamut sunniuteqartussamik arlaannik pisoqassagaluarpat, AP 95/ABF 06-imi §§ 24 aamma 27 naapertorlugit piffissaliussamik sivitsuisinnaanitsinnik pisinnaatitaaffipput tamakkiisumik atuummat."*

Sullariumannittussarsiuussinermi MT Højgaard 25.783.906 koruuninik neqerooruteqarnermigut akikinnerpaamik neqerooruteqarpoq. KJ Greenland A/S 27.640.586 koruuninik neqerooruteqarluni aappaattut neqerooruteqartutuaavoq. KJ Greenland A/S nangaassuteqanngilaq.

Neqeroorutit ammarneqarnerisa kingorna Orbicon Artic A/S, MT Højgaard Grønland ApS-imut tulliuuttut maileruteqarpoq:

*“Uummannami umiarsualiviup allilerneqarnissaa” pillugu ullumikkut suliariumannittussarsiuussinermi suliassamut neqeroorutissinnut qujavugut.”*

*Covid-19 pillugu entreprenørip piffissaliussamik sivitsuisinnaanerinut pisinnaatitaaffia, MTH neqerooruteqarnermini erseqqissaatigaa.*

*SB-mi imm. 1.2-mi allassimasutut suliassami AP 95 tunngavineqartoq, ABF 06-imi §§ 24 aamma 27 naapertorlugu pisinnaatitaaffiit sooq erseqqissaatigineqarnerisut, erseqqissaatigineqarnissaa kissaatigaarput.”*

MT Højgaardimi sektiondirektørimit Sune Bastrupimit maili, tulliuuttut oqaasertalerlugu akineqarpoq:

*“Siullermik erseqqissaatigissavara, Covid-19 pillugu allagaqarnitsigut neqeroortitsinerimi isumaqatigiissusiornissami AP 95-ip tunngavineqarnissaata allannortinneqarnissaanik siunertaqanngilluinnaratta.*

*Tulliullugu ajuusaarutigaaara, Covid-19 pillugu allagaqarnitsinni “/ABF 06” peersimanginnatsigu. Tamanna tungitsinnit kukkuneruvoq, matumanilu Kalaallit Nunaannut Savalimmiunullu neqerooruteqartarnitsinni immikkoortup atoqqinneranik patsiseqarluni.*

*Paasissutissanik annertunerusumik pisariaqartitsissaguit, apequtissaqaruilluunniit tunuarsimaarnak attavigigingaa.”*

Sanaartornissamut piffissarititaasup iluani sanaartugassat piaartumik suliarineqarnissaat pingaaruteqarluinnartutut isigineqartoq, soorlutaaq neqeroortitsinerimi piffissaliussatut pilersaarut ataqqillugu suliassat suliarineqarnissaat pingaaruteqartoq paasissutissiissutigineqarpoq. ASN eqqarsaatigalugu sullap qiteqqunnerani piffissarititaasoq pingaaruteqarpoq, suliassarlu kinguassagaluarpat uuliamik pilersuineq ilanngullugu illoqarfiup pilersorneqarnera eqqorneqarsinnaammat, soorlutaaq containerinut inissiivissap suliarineqarnissaa, eqqaanilu sanaartorfissaliassanut qaartiterisoqarnissaa eqqorneqarsinnaammat, attaveqatigiinnermil pinngitsoorneqarsinnaanngitsup allilerneqarnissaa pineqarmat tunniussinissami piffissarititaasoq pingaaruteqartoq.

**Suliariumannittussarsiuussineq – Sisimiuni Maniitsumilu altanit 2020-mi marsimi nutarterneqarnissaat**

Sisimiuni Maniitsumilu altanit nutarterneqarnissaannut, MT Højgaard 2020-mi marsimi neqerooruteqarpoq.

MT Højgaard neqerooruteqarnermini, Uummannami umiarsualiviup suliarineqarnissaanut neqerooruteqarnermisulli Covid-19 pillugu nangaassuteqarpoq. Taamaakkaluartorli neqerooruteqarnermi immersugassami nangaassuteqarneq pillugu tamanna uteqqinneqarsimanani.

Altanit nutarterneqarnissaannut neqeroorut ataani atsiortumit inatsisitigut naliliiffigineqarpoq ima inernilerneqarluni, MT Højgaardip neqeroorutaanik sanatitsisoq itigartitsinissaminut pissutissaqartoq, pisussaaffeqarunannigtsorli. MT Højgaardip neqeroorutai itigartinniarnagit sanatitsisoq aalajangerpoq.

**Covid-19 pillugu nangaassuteqarnerup paasineqarnissaa**

Neqerooruteqarnermi allakkiami, neqerooruteqarnermilu immersugassami nangaassuteqarneq pillugu allaffissiami nangaassuteqarneq allassimavoq.

Altanit nutarterneqarnissaat pillugu suliariumannittussarsiuussinermi Covid-19 pillugu allataq neqerooruteqarnermi allakkiami kisimi allassimammat, allaanerussutaa annikitsuinnaangilaq. Uummannami umiarsualiviup neqeroorfigineqarnerani nangaassuteqarnini MT Højgaardip nammineerluni allaffissami allappaa.

Uummannami umiarsualiviup allilerneqarnissaani suliasap annersaanik Savalimmiuni najugaqarluni entreprenørup suliarinnittussaana, altanit nutarterneqarnissaannut sanilliullugu tamanna pingaaruteqarluni allaanerussutigaa. Paasisutissiissutigineqarpoq, suliasat ilaannit suliaqartussat taakku suliasat 80-90 procentii suliarissagaat.

MT Højgaardip nangaassuteqarnermini ilaatigut oqaatigaa, ABF 06-imi §§ 24 aamma 27 tamakkiisumik atuuttut.

Savalimmiuni sanaartornermi suliasanut ABF 06 ataatsimoortumik piumasaqaataapput.

AP 95-imi §§ 24-p 27-llu oqaasertai, ABF 06-imi aalajangersakkani oqaasertat assigai, taamaakkaluartorli ABF 06-imi ilassutaa savalimmiusut takinerulluni. Taanna qanoq allassimanersaq ilisimangilara.

Inatsisitigut isumaqatigiissitsiniarmilu suleriaatsit ilanngullugit §§ 24 27-llu Kalaallit Nunaanni paasineqartarnerasulli, Savalimmiuni paasineqartarnersaq ilisimangilara.

Ataatsimut isigalugu nalilerpara, suliassat annersaat Savalimmiuni entreprenørimit suliarineqarnissaat eqqarsaatigigaanni, savalimmiuni malittarisassanut innersuussineq qanoq sunniuteqassanersoq nalorninarloq. Covid-19 patsisaalluni suliassap ilaannik suliarinnittussaq suliassaminik suliaqarsinnaassanngippat, sanatitsisup savalimmiuni malittarisassanik ataqqinninnissaminut pisussaaffilerneqarnissaa siunertaanersoq ilisimaneqanngilaq.

MT Højgaardip paasissutissiissutigaa, savalimmiuni malittarisassat innersuussutigineqarnerat kukkunerusoq. Tamannali suliariumannittussarsiuussereernerup kingorna pivooq, qulanngilluinnarlungalu nallierpara, paasissutissiissummik tamatuminnaga sanatitsisoq isiginiaassanngitsoq. Suliariumannittussarsiuussinermi nangaassutigineqartut nalilerneqartartussaapput, aatsaallu immikkut illuinnartumik pisoqartillugu neqeroortutigineqartumi immikkoortunik iluamik paasinninniarluni sanatitsisoq entreprenørimut saaffiginnissuteqarnissaminut pisinnaatitaaffeqluni. Matumani taamatut immikkut illuinnartumik pisoqanngilaq.

MT Højgaard nangaassuteqarnermini allappoq, §§ 24 27-lu naapertorlugit MT Højgaardip pisinnaatitaaffii tamakkiisumik atuuttut. Malittarisassat atuuttut atuunnerinik tamanna pisariaqanngitsumik innersuussutaaginnaratarsinnaavoq, kisianni aamma oqaaseqatigiinni malittarisassat nassuiarneqarataannarsimasinnaallutik.

Covid-19 immikkut ittumik pisutut isigineqassappat, kinguaattoortoqarnerani entreprenøri piffissaliussamik sivitsuinnissaminut pisinnaatitaaffeqlarpoq, ajunngitsorsiaaqqartinneqarnissaminulli pisinnaatitaaffeqlarani. Immikkut illuinnartumik pisoqartillugu piffissaliussaq sivitsorneqartariaqlarpat, § 27 naapertorlugu taarsiiffigitinnissamut ajunngitsorsiaqartinneqarnissamulluunniit pisinnaatitaaffeqlanngilaq.

Kalaallit Nunaannut angalanissamik suli inerteqquteqartoqarneratigut Savalimmiunit suliarortussat Uummannamukarsinnaassanngikkaluarpata, tamanna immikkut illuinnartumik isigineqlarani pisortanit peqqussutitut isigineqassasoq MT Højgaardip taamatut allagaqlarnermigut kissaateqarsimasinnaavoq, takuuk § 24-mi imm. 1-imi nr. 5. Pisortat peqqussuteqarsimappata, § 27 naapertorlugu entreprenøri ajunngitsorsiaqarsinnaatitaavoq.

Kiisalu Covid-19 massakkut immikkut illuinnartumik pisutut massakkut isigineqarsinnaanersoq apeqquserneqarsinnaavoq.

Atuagassiani nalinginnaasuni (uani "entreprise") Erik Hørlyck oqaaseqaasiortoralugu, 7. Udgavemi immikkut illuinnartumik pisoq ima nassuiaatigineqlarpoq:

*"Immikkut illuinnartumik pisoqartillugu ima paasineqassaaq, isumaqatigiissusiorfiup nalaani entreprenørip ilisimanngisaaq imaluunniit ilisimasariaqagaqanik, sunniuteqarfiginngisaanillu entreprenørip pisuussutiginngisaaqanik akimmiffeqalersartooq."*



Nunarsuarmi sumiiffippassuarni sulianut Covid-19-ip sunniuteqarnera ilisimaneqartoq isiginiarneqarsinnaavoq, soorluttaaq taamatut sunniuteqarnera suli sivilisuumik ingerlassappat tupaallannarunarnaviangitsoq. Tamanna eqqarsaatigalugu, Covid-19 patsisaalluni isumaqatigiissutigut pisussaaffinnik entreprenørit naammassinnissinnaanngeratartut suliassamut neqerooruteqannginnissaat, sulliassallu suliarineqarnissaannut entreprenørit Covid-19-imik akornutissaqarsorinngitsut neqerooruteqarnissaat tunngavilersuutigineqarsinnaavoq. Tamanna sumiffimmi entreprenørinut iluaqutaassaaq, tamannalu imminermini immikkoortiterisutut isigineqarsinnaanani.

Covid-19 patsisaalluni isumaqatigiissut naapertorlugu MT Højgaardip pisussaaffimminik naammassinnissinnaanngippat piffissallussap sivitsorneqarnissaa pineqarmat, nangaassuteqarnerup oqaasertalerneqarnera isiginiaraanni piffissaliussamut tunngatillugu nangaassuteqarnertut isigineqarsinnaavoq.

### **Nangaassuteqarnerup inatsisitigut naliliiffigineqarnera**

Oqaatigineqareersutut MT Højgaardip neqerooruteqarluni allakkiamini, neqerooruteqarnermilu immersugassami nangaassuteqarneq pillugu allaffissiami Covid-19 ilannguppa. Tamanna eqqarsaatigalugu Covid-19 ilumut nangaassutigineqartutut paasineqarnissaa avaqqukkuminaappoq. Malittarisassat atuuttut innersuussutigineqarsimagaluarpata, neqerooruteqarnermi immersugassami nangaassuteqarneq taanna allaqqinneqartariaqanngikkaluarpoq.

Nangaassutigineqartut annikitsuinnaanngippata, sunaluunniit nangaassutigineqartillugu, sanatitsisoq neqeroorummik itigartitsisinnaatitaavoq. Neqeroorummi quppernerit normulersorneqarsimanngitsut, pissutsilluunniit allat neqeroorutip imarisaanut, neqeroorutillu nallersuunneqarnissaannut sunniuteqanngitsut annikitsutut isigineqarsinnaapput.

MT Højgaardip nangaassutigisaa neqeroorutigineqartup imarisaanut imaluunnit neqeroorutigineqartut nallersuunneqarnissaannut sunniuteqanngitsoq qulakkeerlugu oqaatigineqarsinnaanngimmat, MT Højgaardip nangaassutigisaa annikitsuinnaanngitsoq nalilerpara.

Uummannami umiarsualiviup allilerneqarnissaa pillugu neqeroortitsinermi pissutsit eqqarsaatigigaanni isumaqarpunga, suliariumannittussarsiuussinermi matumani sanatitsisup neqeroorummik itigartitsinissaminut pisussaaffeqartoq.

Suliassat annersaat savalimmiuni underentreprenørimit suliarineqartussaapput, Covid-19-ilu pillugu allassimasumi Savalimmiuni sanaartornissami nalinginnaasumik piumasaqaataasut ABF 06 innersuussutigineqarlutik. Tamatuma kingunerisaanik inatsisitigut kingunissai paasiuminaapput, soorluttaaq § 27 naapertorlugu entreprenørip pisinnaatitaaffimminik innersuussinera, taamaalillunilu Covid-19 patsisaalluni ajunngitsorsiaqarsinnaatitaanertut paasineqarsinnaasoq inatsisitigut kinguneqarsinnaasoq.

Kiisalu allassimasooq tamaat isiginiaraanni piffissaliussamut nangaassuteqarnertut isigineqarsinnaavoq. Nangaassutit taamaattut pingaaruteqartuaannarput, neqeroorutigineqartumillu sanatsisup itigartitsinissaminut pisussaaffeqarneranik kinguneqartarlutik.

### **Nangaassutigineqartup uteqqinneqarnera**

MT Højgaardip siornatigut neqerooruteqarnermini tunuartitaanani oqaasertamik atueqqissimanera arlaatigut pingaaruteqarnersoq apeqqutinngorpoq.

Aallaqqaasiullugu maluginiarneqarpoq, umiarsualiviup allilerneqarnissaa pillugu Covid-19 pillugu oqaasertami nangaassutitut allassimammat, altanilli nutarterneqarnissaasa neqeroorutigineqarnerani neqerooruteqarnermi immersugassami immikkoortumi kisimi allassimanera annertuumik allaanerussutigaa.

Ilanngullugu suliap qiteqqunnerani tunniunneqarnissaanullu piffissaliussat eqqarsaatigigaanni, umiarsualiviup allilerneqarnissaani kinguaattoornissat inissaqartinneqannginnerat allaanerussutigigaa maluginiarneqarpoq. Altanit nutarterneqarnissaanni kinguaattoorsinnaanerup inissaqartinnera tunngavigineqarpoq.

Tassunga tunngatillugu nalilerpara, neqeroortitsinerit sulliariumannittussarsiuussinerillu tamarmik immikkut sulliarineqartassammata. Kingusinnerusukkut sulliariumannittussarsiuussinermi nangaassutigineqartoq neqeroorutigineqartumik itigartitsinermik kinguneqarsimannginneranik, neqerooruteqartoq tunngavilersuisinnaanngitsoq nalilerpara.

Assinganik neqeroorummik nangaassuteqartumik neqeroortitsisoq pisussaaffiginagu itigartitsinissaminut kiffaanngissuseqarnera naliliinermi tunngavigineqarpoq. Assersuutigalugu "Sanaartornermi neqeroortitsisinnaatitaaneq", 2012, qupp. 499-imi tulliuttutut allassimasooq takuuk:

*"Neqeroorutigineqartoq (allanik peqquteqartumik) orniginanngippat, nangaassuteqarluni neqeroorutigineqartoq itigartinneqarsinnaavoq, taamaalillunilu neqeroortitsisoq naleqassutsinut tunngasunik eqqarsaateqartariaqassanngilaq."*

Kiisalu oqaatigineqassaaq, suliami matumani nangaassuteqarneq annertuumik kinguneqartussatut isigineqarluni, MT Højgaardip neqeroorutaanik neqeroortitsisoq itigartitsinissaminik pisussaaffeqartutut isikkoqarmat. Uani nangaassuteqarneq, neqerooruteqarnermilu pissutsit allat oqaasertami pissusiviusutut saqqummiunneqarneranik patsiseqarpoq. Matumap siuliani allaatigisara innersuussutigineqarpoq.

### **Nangaassuteqarneq pillugu allaqatigiinneq**

Matumani allakkiami aallaqqaasiummi oqaatigineqareersutut, nangaassuteqarnerup iluamik paasineqarnissaa pillugu sanatitsisup siunnersortaa MT Højgaardilu allaqatigiissimapput. Neqeroortitsinermi piumasaqaatinik allannguinnissaminik eqqarsaateqarani MT Højgaardip paasissutissiissutigimmagu, soorluttaaq savalimmiuni malittarisassanik atuuttunik innersuussineq kukkunerusoq paasissutisslissutigimmagu, MT Højgaard Grønlandip allaqatigiinnermi nangaassuteqarnerup isumaa "annikillisinniarsaaraa".

Taamaakkaluarteq suliariumannittussarsiuussereernermi neqerooruteqartup neqeroorutiminik tunuartitsinissaminut, nangaassuteqarnerulluunniit allanngortinneqarnissaanut pisinnaatitaaffeqanngilaq.

Neqeroortitsineq pillugu Danmarkimi maalaaruteqartarfinni assigiinngitsutigut aalajangiinerni, EU-retten-imilu nangaassuteqarnerup utertinneqarsinnaannginnera aalajangersarneqarpoq.

Taamaalilluni nangaassuteqarnerit suliariumannittussarsiuussinermi allassimanerisigut naliliiffigineqartassapput, aallaavittullu malitsigisaanik neqerooruteqartumut saaffiginnissuteqarluni pissutsinik paasinarsaasoqarnissaanik kissaateqartoqaqqusaanngilaq, soorluttaaq neqerooruteqartup nangaassuteqarnini nammineq iliuseqarnermigut tunuartissinnaanngikkaa, naqqlissuteqarfigisinnaanngikkaalu.

Nangaassuteqarnerup nalilersorneqarnissaani, siunnersortip MT Højgaardillu akornanni allaqatigiinneq ilassutitut isiginiarneqarsinnaanngilaq.

### **Taarsiiffigineqarnissamik piumasaqartoqaratarsinnaanera**

Pisuni tamani neqeroortitsisoq neqeroorutip akuerineqarsinnaanngineranik naliliisussaattillugu, suliasannngortitsinermik kinguneqaratarsinnaasarpoq. Neqeroorut akuerineqarsinnaanngitsutut nalilerneqarpat, naliliinerlu maalaaruteqartarfinnit/eqqartuussivimmit atortussaajunnaarsinneqarpat, neqerooruteqartup neqeroorutimi tunngavissaqanngitsumik itigartinneqarneranut taarsiiffigitinnissaminik qinnuteqarsinnaavoq. Neqeroortitsisoq neqeroorummik itigartitsinngikkuni, malitsigisaanillu itigartitsinissaminut pisussaaffeqartoq uppernarsineqarpat, tulliulluni akikinnerpaamik neqerooruteqartoq neqeroortitsisumit taarsiiffigineqarnissaminik qinnuteqarsinnaavoq.

Uummannamut tunngatillugu neqeroortitsinermut tunngatillugu nalilerpara, MT Højgaard Covid-19 pillugu nangaassuteqarnini nammineerluni allannikuummagu, MT Højgaard taarsiivigeqquneqarnissaminik piumasaqassaguni akueritinnissaanik ajornakusoortitsissasoq. Ilanngullugu nalilerpara, Covid-19 pillugu oqaasertaq inatsisitigut kinguneqarsinnaasoq ersarilluinnarteq, taakkulu annikitsuinnaanngitsut. Taamaakkaluarteq marsip qaammataani Namminersorlutik Oqartussat neqeroortitsisoralugu suliariumannittussarsiuussinerni neqeroorummi Covid-19 pillugu assinganik oqaasertaq itigartitsinermik kinguneqarsimannginnera, nangaassuteqarnerullu ersarissarneqarnissaa pillugu MT Højgaardimik allaqateqarsimaneq annikitsumik qulalersitseqqavoq.

MT Højgaardip neqeroorutaa itigartinneqanngippat, neqeroorutip itigartinneqarsimanissaa, matussutissatullu naatsorsorneqartup naleqqataanik Namminersorlutik Oqartussat neqerooruteqartumut akiliisussanngortinneqarnissaa piumasaralugu, tulliulluni akikinnerpaamik neqerooruteqartoq suliassanngortitsisinnaassasoq ilimanarpoq. Tamatumani neqeroorutip nalingata 20 procentianik taarsiisoqarnissaanik nalinginnaasumik piunasaqartoqartarpoq.

Taarseeqqusilssuteqarnissamik piunasaqaratarsinnaaneq kisiat aallaavigalugu neqeroorutigineqartoq nalilerneqassappat naliliinera tunngavigalugu, neqoortitsineq atorunnaarsinneqaruni pitsaanerussaaq. Taamaattoqassappat suliassat ukioq manna suliarineqarsinnaassanngillat, paasinninneralu malillugu tamanna kissaatigineqarani.

### **Eqikkaaneq**

Ummannami umiarsualiviup allilerneqarnissaa pillugu MG Højgaardip neqerooruteqarnermini nangaassutaa ima kinguneqartussaaticimmat, sanatitsisoq neqeroorummik itigartitsinissaminut qularnanngitsumik pisussaaffeqartoq, imalu annertutigaluni sanatitsisup neqeroorummik itigartitsinissaminut pisinnaatitaaffeqartoq nalilerpara.

Siusinnerusukkut suliariumannittussarsiuussinerni assinganik nangaassuteqarluni MT Højgaardip neqeroorutaasa itigartinneqarsimanngineri, MT Højgaardip tunngavigisinnaanngikkaa nalilerpara. Matumani siusinnerusukkut suliariumannittussarsiuussinermi nangaassuteqarneq itigartitsinermik kinguneqarsimannginnera, kingusinnerusukkut suliariumannittussarsiuussinermi neqerooruteqartup tunngaviginnissinnaannginneranik patsiseqarpoq, soorluttaaq siuliani neqeroortitsinernut sanilliullugu neqeroortitsinerit ima assigiinngitsigaat, umiarsualiviup allilerneqarnissaani neqeroorutip itigartinneqarnissaa pissutissaqarluarnerusoq.

Suliariumannittussarsiuussereernerup kingorna MT Højgaardip nangaassuteqarnerminik tunuartitsinissaminut, naqqiissuteqarnissaminulluunniit pisinnaatitaaffeqanngitsoq nalilerneqarpoq. Nangaassuteqarnerup paarsinarsarneqarnissaa pillugu allaqatigiissimaneq ilassutitut tunngavigineqarsinnaanngilaq.

Nuuk, ulloq 28. april 2020

Niels Hansen Damm

**87.73.12 Umiarsualivinnut talittarfinnullu aningaasaleeqqinnerit (Sanaartornermut aningaasaliissutit)**

**Missingersuutit immikkoortiterneri**

	1.000 kr.
Ilanngaaseereerluni aningaasartuutit	0

**Ilassutitut aningaasaliissutit 2020**

Konto pingaarnermi matumani suliaq nr. 996.24.128 Sanaartugassanut nutaanit, suliaq nr. 150.24.131 Uummannami umiarsualiveqarnermut 33,1 mio. koruunit kiisalu suliaq nr. 996.24.122 Umiarsualivinnut pilersaarutinit, suliaq nr. 996.24.136 Ilaasunut talittarfinnut/niusarfinnut 1,3 mio. koruunit nuunneqassasut qinnutigineqarpoq.

Suliaq nr. 150.24.131 Uummannami umiarsualiveqarnermi umiatsiaaqqat malinnut illersorniarlugit Kangerloqqissumi oqquiffissatut nunniugassaq, umiarsuaaqqat talittarfiata piusup allilerneqarnissaa kiisalu Qeqertannguami inissiivissamut, sanaartortoqarnissaanullu qaqqajunnamik qaartitsinisaq suliariumannittussarsiuunneqareerput.

Tamatuma kingorna konto pingaarnermi 2020-mi aningaasaliissutissat 35.150.000 koruuninngorput.

**Suliassat immikkoortiterneri**

Sumiiffik/ Suliat nr.	Suliat taaguutaa	2020-imi katillugit	AI 2020	IA 2020	Sulianut aningaasaliissutit 2020-imi allannguut +ukiut tullii	Katillugit
		---- 1.000 kr. ----				
<u>Uummannaq</u> 150.24.131	Uummannami umiarsualiveqarneq	33.100	0	33.100	33.100	34.100
<u>Sumiiffiit</u> <u>assigiinngitsut</u> 996.24.128	Sanaartugassat nutaat	-22.100	11.000	-33.100	-33.100	41.522
<u>Sumiiffiit</u> <u>assigiinngitsut</u> 996.24.122	Umiarsualivinnut pilersaarutit	1.200	2.500	-1.300	-1.300	11.200
<u>Sumiiffiit</u> <u>assigiinngitsut</u> 996.24.136	Ilaasunut talittarfiliat/niusarfiliat	4.150	2.850	1.300	1.300	4.150
<b>Aallareriikkat katillugit</b>				<b>0</b>		

## Suliassat allaaserineri

### Sumiiffik

Suliass. nr. Sumiiffik Nunap assingani Suliassap taaguutaa

### SULIAT AALLARTINNEQAREERSUT:

#### Uummannaq

**150.24.131**

#### **Uummannami umiarsualiveqarneq**

Uummannap umiarsualiviani umiatsiaaqqat malinnut illersorniarlugit Kangerloqqissumi oqquiffissatut nunniugassaq, umiarsuaaqqat talittarfiata piusup allilerneqarnissaa kiisalu Qeqertannguami inissiivissamut, sanaartortoqarnissaanullu qaqqajunnamik qaartitsinisaq suliariumannittussarsiuqqareerput.

Suliaq nr. 996.24.128 Sanaartugassanit nutaanit nuussinikkut suliniummut aningaasaliissutit 33,1 mio. koruuninik qaffanneqassasut qinnutigineqarpoq.

Suliap aallartiffissaa: 2017

Atulerfissaa: 2020

#### Sumiiffiit assigiinnigitsut

**996.24.128**

#### **Sanaartugassat nutaat**

Suliaq nr. 150.24.131 Uummannami umiarsualiveqarnermut nuussinikkut, suliaq 33,1 mio. koruuninik appartinneqassasooq qinnutigineqarpoq.

Suliap aallartiffissaa: 2017

Atulerfissaa: 2023

#### Sumiiffiit assigiinnigitsut

**996.24.122**

#### **Umiarsualivinnut pilersaarutit**

Suliaq nr. 996.24.136 Ilaasunut talittarfinnut/niusarfinnut nuussinikkut, suliaq 1,3 mio. koruuninik appartinneqassasooq qinnutigineqarpoq.

Suliap aallartiffissaa: 2018

Atulerfissaa: 2023

#### Sumiiffiit assigiinnigitsut

**996.24.136**

#### **Ilaasunut talittarfiliat/niusarfiliat**

Ullutsinnut naleqquttunik talittarfinnik/niusarfinnik Kalaallit Nunaanni pisariaqartitsineq annertummat, Kalaallit Nunaanni silap pissusaanut, silamut, sikusarneranullu naleqqussarneqartuarsinnaasunik, nunatsinni betonngimit talittarfiliortoqarsinnaanissaanut/niusarfiliortoqarsinnaanissaanut ineriartortitsilluni suliniummik aallartitsinissani naalakkersuisoqarfiup kissaatigaa.

Ilulissani umiarsualiviup qinnnguani innuttaasunut takornarissanullu nutaanik talittarfiliortoqarnissaa/niusarfiliortoqarnissaa pisariaqartinneqarmat, ineriartortitsinissami suliniut tassani ineriartortinneqassaaq.

Ineriartortitsinissamik suliniut naammassippat nunatsinni sumiiffinni entreprenørit misilittakkanik atuisinnaaqullugit, suliniummi atortut tamanut saqqummiunneqassapput.

Suliassat immikkoortiterneri pillugit siuliani takussutissiami takuneqarsinnaasutut, sanaartornissami suliaq manna 2,85 mio. koruuninik aningaasartalerlugu AI2020-mut ilaatinneqassasooq, AIS2020-p pingajussaaneerneqamerani akuersissutigineqarpoq. Taamaakkaluartoq AI2020-mi naqitami sanaartornissami suliaq 5,7 mio. koruuninik kukkusumik aningaasaliiffigineqartoq takuneqarsinnaavoq.

Aningaasanut inatsisissap aappassaaneerreqarnerani aningaasanut inatsisissap missingersuusiarineqarnerani systemimi suliaq 2,85 mio. koruuninik aamma kukkusumik aningaasartalerneqarneranik patsiseqarpoq, taamaalillunilu aningaasanut inatsisip ataatsimoortinneqarluni AI2020-mi naqitami sanaartornissami suliaq 5,7 mio. koruuninik aningaasartaqartutut allassimalerluni. Tamanna ilaatigut Inatsisartut akuersissutigisaattut suliamut matumunnga 2,85 mio. koruuninik aningaasaliiffigineqarluni, AI2020-mi konto pingaanermi matumani 41,55 mio. koruuninik aningaasartalerlugu 2020-mut aningaasanut inatsisip aalajangersarneqarneranut sunniutissaqanngilaq.

Suliap aallartiffissaa: 2020

Atulorfissaa: 2021

Aningaasaqarnermut Ataatsimiititaliamit ulloq xx-yy-2020 akuerineqartoq., suliaq nr. 20--xxx.



INATSISARTUT

**Ineqarnermut Attaveqarnermullu  
Naalakkersuisoq  
/Maani**

Ulloq: 12. maj 2020

J.nr.: 01.31.06/20 – 00879

**Aningaasaqarnermut Akileraartarnermullu Ataatsimiititaliamit pingasunngornermi  
ulloq 13. maj 2020, nal. 10.00 - 11.00 ataatsimiittarfik Erling Høeghimi  
siunersiuinermit aggeqqusissut.**

Inatsisartut suleriaasianni § 19 naapertorlugu konto pingaarnermit 87.73.12-imit, Umiarsualivinnut talittarfinnullu aningaasaleeqqinnernit tunngasumit, Uummannami umiarsualiveqarnermut betonngimillu talittarfiliortoqarnissaanut/niusarfiliortoqarnissaanut ineriartortitsinissami suliniummumt missingersuutinut sunniuteqanngitsunik nuussineq pillugu siunersiorneqarnissamut Ineqarnermut Attaveqarnermullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

**Aningaasaqarnermut Ataatsimiititaliap oqaaseqaatai apeqqutaalu:**

Ataatsimiititaliap oqaaseqaataasa apeqqutaasalu uku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit pisariaqartinneqarpoq:

- 1) Neqeroorutit marluk pineqartut sunik imaqarnersut ilassutitut aningaasaliissuteqarnissaq pillugu isummernissamut tunngavissiami takuneqarsinnaanngilaq. Taamaallumi neqerooruteqartup Naalakkersuisunit toqqarneqartup isummerfiginissaa ajornakusoorpoq.
- 2) Neqeroorutit qanoq ittut tiguneqarsimanersut aammalu taakku suliniummumt aningaasaqarnermullu tunngasorpiaat pillugit imarisamikkut sunik assigiinngissuteqarsimanerat paasissutissiissutigineqassasoq ataatsimiititaliamit kissaatigineqarpoq. Umiarsualiveqarfii pingasut isummernissamut tunngavissiami nalunaarsorneqartut kiisalu Palammarsuarnut usingiaasarfik ataatsimiititaliamit matumani ilaatigut eqqarsaatigineqarput.
- 3) Tassungaa atatillugu Palammarsuarnut usingiaasarfitoqqap nutarterneqarnissaata periarfissatut neqeroorutigineqarnera suliamut matumunnga qanoq sunniuteqarnersoq paasissutissiissutigineqassasoq ataatsimiititaliamit kissaatigineqarpoq. Naalakkersuisut isummernissaannut tunngavissiat aammalu missingersuutinut ilanngussat ataasiakkaat ilanngullugit nassiunneqartut imminnut attuumatinnagit atuarneqarsinnaasuunissaat pingaaruteqarpoq. Palammarsuarnut usingiaasarfik pillugu suliniut missingersuutinut ilanngussami, tassungalu ilanngullugu suliniutip allaaserineqarnerani allassimasorinanngilaq. Kiisalu taassuma periarfissatut neqeroorutigineqarnera qanoq isumaqarpa?
- 4) Inatsisitigut avataaneersumit naliliineq suliamut ilanngunneqartoq neqeroorummut toqqarneqartumut qanoq isumaqarpa?
- 5) ASN akuerineqassanngikkaluarpat akuersinissarlunniit kinguartoorfiussagaluarpat tamanna suliniummumt inatsisitigut aningaasatigullu sunik kinguneqassava?
- 6) Aningaasaliissutit qinnutigineqartut ilaat qanoq amerlatigisut umiarsuaaqqat talittarfiata piusup, ASN-imik suli akuerineqarsimanngitsup, allineqarnissaanut tunngapart? Suliniutip ilaa taanna ASN-imik akuerineqarnissaa kisimi amigaataava?



7) Orbicon Arctic A/S suliame matumani qanoq atuuffeqarpa?

Siunersiuinerme malitseqartitsissutinik apeqquteqartoqarnissaa naatsorsuutigineqassaaq.

-----

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiuilluni tulleriiarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguinngua uunga nassiunneqarnissaa qinnutigineqarpoq: [saam@ina.gl](mailto:saam@ina.gl). Allakkiaq ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua



Inatsisartut Aningaasaqarnermut Akileraartarnermullu Ataatsimiititaliaat

**Suliaq nr. 01.31.06/20 - 00879– pillugu akissuteqaat: ”Kontomit pingaarnermi 87.73.12 Umiarsualivinnut talittarfinnullu aningaasaliissutit, Uummannami umiarsualivimmi atortunut aamma puttasunik betonitalinnik ineriartortitsinermi sulianut missingersuutitut sunniuteqaqngitsunik nuussinissaq”**

13-05-2020  
Suliaq nr.: 2019 - 1073  
Id nr. 52899288

Asasara Ataatsimiititaliaq

Postboks 909  
3900 Nuuk

Aallarniutigalugu Naalakkersuisut suliami inassuteqaataanik peqqissaarussamik suliaqarnissinnut qutsavigaassi.

Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Ataatsimiititaliaq aalajangiinnermut atatillugu Naalakkersuisunut apeqquteqarpoq, matuma kinguliani issuarneqarlutik akissutitaanik malitseqartinneqartunik.

- 1) Neqeroorutit marluk pineqartut sunik imaqarnersut ilassutitut aningaasaliissuteqaqngitsunik pillugu isummernissamut tunngavissiami takuneqarsinnaangilaq. Taa-maalilluni neqerooruteqartup Naalakkersuisunit toqqarneqartup isummerfiginissaa ajornakusoorpoq.**

Tassunga tunngatillugu ilisimatitsissutigisinnaavara, Namminersorlutik Oqartussat illuliassaataat sanaartuassaataallu sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq (amerlanertigut 'neqerooruteqartarnermut inatsit'-mik taaneqartartoq) naapertorlugu ingerlanneqartarmat.

Betoninik najukkami atortut atorlugit sulianik ineriartortitsinermi suliaq misiligutaavoq, neqerooruteqartarnermut inatsimmi § 20, imm. 3 naapertorlugu toqqakkamik neqeroortitsisoqarsimalluni. Taassuma imaa malillugu neqerooruteqartitsisoq illuliassamut sanaartugassamullu toqqaalluni neqeroortitsisinnaavoq, assersuutigalugu misiligutitut ineriartortitsinernullu aalajangersimasunut.

Uummannami umiarsualivimmi atortut pillugit suliaq neqerooruteqarsinnaasut assigiimmik pineqarnissaat qulakkeerniarlugu tamanut ammasumik suliariumannittussarsiuunneqarpoq. Tassani inatsimmi § 3 eqqumaffigeqqussavara, tassani allassimavoq:

*”Inatsimmi matumani suliariumannittussarsiuussinertut paasineqassaaq, suliasap neqeroortitsivigineqarnerani arlalinnut piffissap aalajangersimasup ataatsip iluani, aammalu neqerooruteqartitsinermi tunngavissat assigiit, imaluunniit atuuttussamik neqerooruteqarnissamut piimasaqaatit minnerpaaffissaat ataatsimoortut, imaluunniit sanaartugassaq pillugu suleqatigiinnissamik pisussaaffiliisumik neqerooruteqarnissaq tunngavigalugit neqerooruteqartitsinertut. Kaammattuinnermi suliariumannittussarsiuussinissap pineqarnera nalunaarutigineqassaaq.*

*Imm. 2. Tamanut ammasumik suliariumannittussarsiuussinermi tusagassiuutitigut naqitatigut imaluunniit elektronik atorlugu tusagassiuutitigut allagarsiinikkut kikkunnulluunniit neqerooruteqarnissamut kajumissaarisogassaaq.”*

Tassalu neqerooruteqartut tamarmik immikkut neqerooruteqartitsinermi tunngaviusut (suliassamut najoqqutassat) aammalu piffissaliussap ataatsip iluani namminneerlutik naatsorsortussaavaat.

Tassalu MT Højgaard A/S-imit aamma KJ Greenland A/S-imit neqeroorutit tiguneqartut neqerooruteqartitsinermi tunngaviusunut assigeerluinnarnut – tassalu sullissanut assigeerluinnarnut – neqeroorutit imaqarput. Neqeroorutit entreprenørrip nammineerluni suliassap tamarmiusup suliarineqarneranut akigititassaanut neqeroorutaapput.

- 2) Neqeroorutit qanoq ittut tiguneqarsimanersut aammalu taakku suliniummut aningaa-saqarnermullu tunngasorpiaat pillugit imarisamikkut sunik assigilnngissuteqar-simanagerat paasissutissiissutigineqassasoq ataatsimiititaliamit kissaatigineqarpoq. Umiarsualiveqarfiliit pingasut isummernissamut tunngavissiami nalunaarsorneqartut kiisalu Palammarsuarnut usingiaasarfik ataatsimiititaliamit matumani ilaatigut eqqarsaatigineqarput.**

Aallarniutigalugu erseqqissaatigissavara, Uummannami umiarsualivinni atortut pillugit suliap neqerooruteqartitsivigineqartup suliarineqarnissaa pillugu isumaqatigiissuteqartoqarsimanngimmat. Taakku isumaqatigiissutigineqassappata aningaasaliinissamut tunngavissaqartoqartussaavoq, taannali pigineqanngilaq.

Betonit najukkami suliarineqartut atorlugit puttasulianik ineriartortitsinissaq pillugu suliarnut tunngatillugu ilisimatitsissutigisinnaavara, tamanna pillugu KJ Greenland A/S, suliassaqqarfimmi kisiartaalluni betoniliorfimmik pilersitsisimasoq isumaqatiginninnaqatigineqarsimammat. Inaarutaasumik isumaqatigiisuteqartoqassappat, aningaasaliinissamut tunngavissaqarnissaq pisariaqarpoq.

- 3) Tassunga atatillugu Palammarsuarnut usingiaasarfitoqqap nutarterneqarnissaata pe-riarfissatut neqeroorutigineqarnera sulliamut matumunnga qanoq sunniuteqarnerasoq paasissutissiissutigineqassasoq ataatsimiititaliamit kissaatigineqarpoq. Naalakker-suisut isummernissaannut tunngavissiat aammalu missingersuutinut ilanngussat ataasiakkaat ilanngullugit nassiunneqartut imminnut attuumatinnagit atuarneqar-sinnaasuunissaat pingaaruteqarpoq. Palammarsuarnut usingiaasarfik pillugu suliniut missingersuutinut ilanngussami, tassungalugu ilanngullugu suliniutip allaaserine-qarnerani allassimasorinanngilaq. Kiisalu taassuma periarfissatut neqeroorutigine-qarnera qanoq isumaqarpa?**

Aallarniutigalugu missingersuut kukkunilik ilanngunneqarsimammat utoqqatsissutigaa, maanna allakkiaq iluarsisaq nassiunneqarpoq, teknikkimut tunngasunik annikitsunik iluarsivigineqarluni.

Qinigassiinermi neqerooruteqartitsisoq suliassap aalajangersimasup

suliarineqarnissaanut periarfissanik ujartuinissamut, kiisalu suliariumannittussarsiuussinermi sipaagaqarnissamut periarfissinneqartarpoq. Tassalu suliassaq neqerooruteqartitsinermut najoqqutassanut tamarmiusunut ilaavoq, kisiannili neqerooruteqartitsisoq suliariumannittussarsiuussinerup naammassinerata kingorna suliassap suliarineqarnissaa pillugu aalajangiinissamut pisinnaatinneqarpoq. Tassalu neqerooruteqartitsisoq neqeroorutit tiguneqartut tunngavigalugit suliassap suliarineqarnissaa pillugu isumaqatigiissuteqarnissamut pituttorsimaneqanngilaq.

Palamarsuarnut usingiaaviup iluarsaanneqarnissaa najukkami inuiaqatigiinni immikkut ittumik pingaarutilittut inissisimavoq, tassani tunisisoqartarmat. Suliassaq Uummannami umiarsualivimmi atortut pillugit suliassap allatut inissisimavoq aammalu maskiinat atorineqartut assinginik angeqqataanillu pisariaqartitsiviulluni, taamaattumillu suliassap taassuma suliassanut allanut peqatigitillugu suliarineqarnera sipaagaqarfiusinnaavoq. Suliariumannittussarsiuussinerup inernerata tassunga tulluuppoq, neqeroorut tiguneqartoq suliassamut B-overslagip aningaasartaanit 0,5 mio. koruuninik appasinnerummat. Tassalu suliassaq kisimiitillugu neqerooruteqartitsivigineqarsimagaluaruni, tamanna 1,3 mio. koruunit missaannik aningaasartuuteqarnermik kinguneqarsimassagaluarpoq, suliassap matuma ilanngunneratigut 0,8 mio. koruuniunatik. Suliassaq suliassamut tamarmiusumut ilaatinneqassanngippat, suliassaq immikkoortillugu kingusinnerpaamik 2021-mi neqerooruteqartitsivigineqartussanngussaaq.

#### **4) Inatsisitigut avataaneersumit nalililneq suliassamut ilanngunneqartoq neqeroorummut toqqarneqartumut qanoq isumaqarpa?**

Illuliassanik sanaartugassanillu tunniussisarnermut tunngavissat neqerooruteqartarnermut inatsimmi § 15-imi allassimapput, tassanilu allassimavoq, neqerooruteqartitsisup suliariumannittussarsiuussineq taamaatissimanngippagu, suliassaq tunngavissat uku malillugit tunniunneqassaaq:

- 1) *appasinnerpaamik akeqartitsisumut, imaluunniit*
- 2) *tunngavissat assigiinngitsut, soorlu akit, pitsaassuseq, piffissaq sanaffiususaaq, ingerlatsinermut aningaasartuutit, imminut akilersinnaassuseq, teknikkikkut naligititaasoq, avatangiisinut sunniutissat, sanaartugassamut titartakkat atuuffissallu, isumaqatigiissummi pineqartumi allanngorartuusinnaasut eqqarsaatigalugit aningaasaqarnikkut iluanaarnarnerpaamik neqerooruteqartumut.*

Kiisalu inatsimmi § 15-imi allassimavoq, neqerooruteqartitsinermut piumasaqaatini (neqerooruteqartitsinermi najoqqutassat ilaanni) tunniussinissamut tunngavissat suut atorineqassanersut allassimassasoq. Tassunga tunngatillugu ilisimatitsissutigisinnaavara, Uummannami umiarsualivimmi atortut neqerooruteqartitsivigineqarnerini tunniussinissamut tunngavissaq 'aki appasinnerpaaq' atorineqarmat.

Suliariumannittussarsiuussinerup naammassereernerani neqeroorutit takkuttut aningaasaqarnikkut inatsisitigullu isiginiagassat tunngavigalugit misissorneqartarput imminnullu assersuunneqartarlutik. Tassalu neqeroorut naapertuunnersoq naapertuutinninnorsorluunniit neqerooruteqartitsinermut piumasaqaatit kiisalu neqerooruteqartarnermut inatsit tunngavigalugit isummerfigineqartarpoq.

Neqerooruteqartarnermut inatsimmut nassuiaatini allassimavoq, neqerooruteqartitsisoq neqeroorutini, neqerooruteqartitsinermi piumasaqaatini tunngaviusunut uniuuttunik

tigusiumannginnissamut pisinnaatinneqartoq. Tassani inatsimmi assigiimmik pinninnissamut tunngavissat malinneqartarput.

Tunngaviusumik nikingassutit taamaattut ima annertutiginersut, neqeroorut naapertuutinningsutut itigartinneqartariaqarluni nalornissutigineqarsinnaavoq. Nikingassutip neqeroorutit imminnut assersuunneqarnerini naapertuuttumik kinaassusersiunngitsumillu suliaqarnissamut akornutaannginnissaat pingaaruteqarpoq. Inatsisinik, tassalu neqerooruteqartupinatsisinik uniuinani neqeroorutiminut uppersaanissaanut piunasaqaatinik uniuinani tunuarsimaartoqassappat, neqeroorutininut allanut assersuussisoqannginnerani tunuarsimaarfiusut akii piviusorsiorturnik kinaassusersiunngitsumillu neqerooruteqartitsisumit aalajangersarneqarsinnaassapput.

Neqeroorutit tiguneqartut suliasami siunnersorti suleqatigalugu misissorneqarput, tunuarsimaarfiusut, akikinnermik neqerooruteqartup neqeroorutaani allassimasut annertuutut isigineqarsinnaanersut isigineqarsinnaannginnerisulluunniit aalajangiiffiginiallugu. Aalajangiinnermut tassunga tapertatut, kiisalu suliap ingerlanerani tassunga atatillugu naliliinissaq qulakkeerniallugu, eqqartuussissuserisoqarfik Malling & Hansen Damm inatsisinik naliliinnermik pissarsiniarfigineqarpoq. Namminersorlutik Oqartussat inaarutaasumik aalajangiinneranni inatsisitigut aningaasaqarnikkullu kingunerisinnaasat paasiniaaffiginiallugit, taakku misissuiffigineqarnissaat pingaaruteqarpoq. Tamatumani pingaartumik maalaaruteqarnissamut periarfissat, aammalu neqerooruteqartut tamarmik tassunga tapersemeqarsinnaanerani siunnerfigineqarput.

**5) ASN akuerineqassanngikkaluarpat akuersinissarlunniit kinguartoorfiussagaluarpat tamanna suliniummumt inatsisitigut aningaasatigullu sunik kinguneqassava?**

VVM-imut akuersissut kinguartooqqappat, suliasaq kinguartinneqartussaavoq, taamaallilunilu sanaartukkat tunniunneqarnissaa kinguartinneqartussaalluni, immaqaa 2021-mut. Isumaqatigiissusiornissamulli akornutaassanngitsoq ilisimaneqarpoq, pissutsillu ilisimaneqareerlutik. VVM tamanut ammasumik tusarniaassutigineqartoq Namminersorlutik Oqartussat neqerooruteqartullu ilisimavaat. Tusarniaanerup kingunerisaanik naatsorsuutiginnisamik piunasaqaateqartoqassappat, piunasaqaatit suliasamut aningaasaqarnikkut sinaakkusiussat iluanni akilerneqarsinnaassapput.

VVM-ip tusarniaassutigineqarnerani inuit tamat immersuinissamut tassungalu oqaaseqaateqarnissamut periarfissinneqarnissaannik qulakkeerinissaq siunnerfigineqarmat eqqaamassallugu pingaaruteqarpoq. Siusinnerusukkat Uummannami umiarsualivimmi atortut pillugit suliamut tunngatillugu Uummannami innuttaasunik ataatsimiititsisoqarsimavoq, tassanilu suliasanut siunnersuutit isumalluarfigineqarput. Aamma innuttaasunik ataatsimiititsinermi innuttaasut namminneerlutik kissaataasa ajornartinnagu ilaatinneqarnissaat periarfissiissutigineqarpoq.

**6) Aningaasaliissutit qinnutigineqartut ilaat qanoq amerlatigisut umiarsuaaqqat talittar-fiata piusup, ASN-imik suli akuerineqarsimanngitsup, allineqarnissaanut tunngap-pat? Suliniutip ilaa taanna ASN-imik akuerineqarnissaa kisimi amigaataava?**

Pujortuleeqqat talittarfiannut aningaasartuutissat tamarmiusut 9,7 mio. koruuninik amerlassuseqarput, tassungalu iluarsaassinissaq kiisalu allillinissaq ilaapput. Pujortuleeqqat talittarfiat, suliassami tamarmiusumi katillugit 7,7 mio. koruuninik naleqartussaq kisimi VVM-imut akuersissutip amigaatigineqarneranit eqqorneqarpoq.

#### **7) Orbicon Arctic A/S suliame matumani qanoq atuuffeqarpa?**

Orbicon Arctic A/S Namminersorlutik Oqartussat Uummannami umiarsualivimmi atortunut pilersaarusiortutut siunnersortaavoq, taamaattumillu neqerooruteqartitsisup inaarutaasumik isummersinnaanissaanut neqeroorutunik takkuttunik misissuinissaq, kiisalu taakku imminnut assersuunnissaat suliassaralugit.

#### **8) Isumasioqatigiinnermi kontomi pingaarnermi 87.73.12 Umiarsualivinnut talittarfinnullu aningaasaliissutit, suliassamut nr. 996.24.136 Talittarfinni atortunik sanaartorneq, 2020-mut Aningaasanut Inatsimmi missingersuusiarineqartumi suliassat immikkoortiternerini allassimasumut aningaasaliissutit amerlassusil pillugit apeqquteqartoqarpoq.**

Illassutit aningaasaliissutunik qinnuteqaammut matumunnga atatillugu kontomi pingaarnermi 87.73.12 Umiarsualivinnut talittarfinnullu aningaasaliissutit, missingersuummi immikkoortoq matuma kinguliani allassimasoq innersuussutigerusuppara:

"Sanaartugassap matuma AIS2020-p pingajussaanneerineqarnerani 2,85 mio. koruuninik aningaasaliiffiqineqarluni AI2020-mut ilanngunneqarnissaa akuerineqarpoq, taakkulu aningaasartai suliassat immikkoortiternerini matuma siulianiittuni allassimapput. Kisiannili AI2020-mi, kukkunilimmik naqinneqartumi sanaartugassaq suliassamut kukkusumik aningaasaliiffiqineqarluni 5,7 mio. koruuninik allassimavoq. Tamatuma kingunerisaanik sanaartugassaq aamma aappassaanneerinninnermi aningaasanut inatsimmut missingersuusiummut kukkusumik naqinneqarluni 2,85 mio. koruuninik aningaasaliiffiqineqartut allanneqarpoq, taamaattumillu aningaasanut inatsisip ataatsimoortinnerani, AI2020-p naqinnerani sanaartugassamut 5,7 mio. koruunit aningaasaliissutigineqartut allassimalerpoq. Taamatut pisoqarnera 2020-mut aningaasanut inatsimmut, AI2020-mi kontomut pingaarnermut matumunnga aningaasaliissutunik 41,55 mio. koruuninik atuuttussanngortitsiviusumutilaatigut suliassamut matumunnga 2,85 mio. koruuninik aningaasaliinermik imaqartumut, Inatsisartunit akuerineqarluni atuuttussanngortinneqartumut isumaqanngilaq."

Tamatuma saniatigut AIS2020-p pingajussaanneerineqarnerani siuliani allaqqasumut allannguutitut siunnersuut nr. 112-imut innersuussutigissavara sanaartugassaq siuliani allaqqasoq 2,85 mio. kr.-inik sanaartugassamut aningaasaliissuteqartillugu atuuttussanngortillugu akuerineqarmat.

Tassalu suliassamut aningaasaliissutit Inatsisartuni suliarineqarput akuerineqarlutillu. Taamaattumik illassutit aningaasaliissutini ukunani suliassamut aningaasaliissutit 2,85 mio. koruuniusut aallaavigineqarput. Suliassamut aningaasaliissutit AI2020-mi kontomut pingaarnermut aningaasaliissutinut atuuttussanngortinneqartunut, 41,55 koruuniusunut

ilaapput.

AI2020-mi naqitami suliassamut aningaasaliissutit, aammalu Inatsisartuni suliarineqarsimasut akuerineqarsimasullu akornanni suliassamut aningaasaliissutit amerlassusiisa nikinganeri ajuusaarnartorujussuuvog. Soorunami suliassamut aningaasaliissutit, allannguutissatut siunnersuummi nr. 112-mi, matuma siuliani taaneqartumi, Inatsisartunit suliarineqartumi aammalu akuerineqartumi allassimasut atuuttussaapput. Tassani aamma suliassamut aningaasaliissutit suliarineqarsimasut akuerineqarsimasullu, 2020-mut aningaasanut inatsimmi atuuttussanngortinneqartumi konto pingaarnermi aningaasaliissutinut ilaatinneqartut, 41,55 mio. koruuniusut pineqarput.

Neriuppunga matuma siuliani Ataatsimiititalap apeqquteqaatai naammaginartumik akisimassallugit.

Inussiarnersumik inuulluaqqusillunga

  
Karl Frederik Danielsen



INATSISARTUT

**Aningaasaqarnermut Aatsitassanullu  
Naalakkersuisoq**

Ulloq: 15. maj 2020  
J.nr.: 01.31.06/20-00879

**Aningaasaqarnermut Akileraartarnermullu Ataatsimiititaliap sisamangornermi  
ulloq 14. maj 2020-mi aalajangiineranik Naalakkersuisunut ilisimatitsineq.**

**Konto pingaarnermi 87.73.12 Umiarsualivinnut talittarfinnullu aningaasaleeqqinnernit, Uummannami umiarsualiveqarnermut, betonngimillu talittarfiliortoqarnissaanut/niusarfiliortoqarnissaanut ineriartortitsinissami suliniummut missingersuutinut sunniuteqanngitsunik nuussineq. – Suliaq nr. 01.31.06/20 – 00879.**

”Naalakkersuisut inassutigaa,

- Konto pingaarnermi 87.73.12 Umiarsualivinnut talittarfinnullu aningaasaleeqqinnerni suliaq nr. 996.24.128 Sanaartugassanut nutaanut aningaasaliissutit 2020-mi 33,1 mio. koruuninik appartinneqassasut, suliamilu nr. 150.24.131 Uummannami umiarsualiveqarnermut aningaasaliissutit 2020-mi 33,1 mio. koruuninik qaffanneqassasut kiisalu
- Konto pingaarnermi 87.73.12 Umiarsualivinnut talittarfinnullu aningaasaleeqqinnerni suliaq nr. 996.24.122 Umiarsualivinnut pilersaarutinut aningaasaliissutit 2020-mi 1,3 mio. koruuninik appartinneqassasut, suliamilu nr. 996.24.136 Ilaasunut talittarfilianut/niusarfilianut aningaasaliissutit 2020-mi 1,3 mio. koruuninik qaffanneqassasut.”

**Aningaasaqarnermut Akileraartarnermullu Ataatsimiititaliap oqaaseqaatai  
apeqqutaalu:**

Inuit Ataqtigiit suliap uuma suivisuunik utaqqineqarsimasup kiisami naammassineqarnera qujarullugu akuerseqataaffigaat.

Suliamut akuerseqataajutigaluta, erseqqissarumavarput suliamut uunga assingulluinnartoq piffisamilu suliasanngorteqatigisimasaa, tassalu Kangaatsiami atuarfissaq, sulianik assiginnngisitsisumik ingerlatsisoqassanngimmat maanna aaliangikkatsinnut assingusumik aamma aqqivigineqartariaqartoq isumaqaratta..

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni apeqquteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Inussiarnersumik inuulluaqqusillunga

Hermann Berthelsen

Aningaasaqarnermut Akileraartarnermullu Ataatsimiititaliap siulittaasua